

駐

粵

八

旗

志

駐粵八旗志卷五目錄

經政略

軍政

馬政

水師 今改步軍營

操演

新添威捷選鋒隊操防

犒賞

補放

節制陸路

挑補綠營

世襲

繼嗣

逃人

旗人嫁娶

駐粵八旗志卷五

軍政

一

國朝定制內外旗員五年一次舉行軍政屆期由兵部具

題刷單通行各省駐防欽遵辦理

一定例內外旗員五年一次舉行軍政在京八旗大臣及內務府三旗護軍統領並各省將軍都統副都統等俱令開列事實妥冊在京於本年九月內送部在外於本年十月內送部兵部彙齊繕具履歷清單進

呈各省駐防官員等俱照在京官員之例由該將軍都統副都統考察填註考語開明四柱一曰操守或廉或平或貪一曰才能或長或平或短一曰騎射或優或平或劣一曰年歲或壯或中或老並將各該員履歷及有無在軍前行走受傷有功之處註明分別應去應留造冊送部其堪膺薦舉官員必有行止端方兼弓馬嫻熟管轄嚴肅當差勤慎不擾害該屬給餉無虛並歷俸已滿三年任內降罰之案係因公墾誤者俱准其薦舉卓異如有因私罪降革留任處分及承緝盜案例應降級降調之案概不准其薦舉卓異若盜案例止罰俸完結

之案亦准其薦舉卓異其應行糾叅之員必有貪酷不謹罷軟年老患病才力不及浮躁者始行糾叅其考驗軍政各冊定限於本年十月題報到部兵部會同都察院兵科京畿道察覈具題

一京外旗員陞遷離任一年以上者舊任不必註考於新任註考不及一年者仍令舊任註考如出差在一年以內仍一體註考一年以外者免其考察如係出兵一年以外毋庸薦舉者不行考察若堪膺薦舉者仍准其卓異

一外省駐防旗員軍政有年逾六十以上不能騎射者不准保列卓異此內如有精力尙健弓馬嫻

熟或曾經出兵著有勞績或實心經理營務仍由該管大臣出具切實考語保薦具題聲明另行造冊送部由兵部會同都察院兵科京畿道等衙門察覈具題於奉

旨後行令給咨赴部引

見准其列入卓異如有年力衰邁卽歸入計典內劾叅若年齒雖老精力未衰亦由該管大臣詳加查驗秉公甄覈專摺奏請留任

一各省駐防旗員遇軍政之年除閑散世職及六品以下微員停其薦舉外其三品城守尉總管協領叅領佐領防守尉防禦等俱准一體薦舉

一軍政薦舉卓異定額廣州駐防每次薦舉不得過二員

一軍政薦舉人員兵部題明帶領引

見後以卓異加一級註冊遇有應陞缺出將職名開列於前具題補放陞任後將卓異加級之處註銷改爲紀錄一次其外省駐防官如有引

見未滿三年之員薦舉卓異者兵部於題本內聲明不必送部引

見卽以卓異加一級註冊

一各省駐防世職及驍騎校以下等官如屆軍政之年停止卓異遇有應陞應補缺出該管大臣卽

將此項人員一體揀選送旗引

見補用其尋常供職者不得濫膺保送至應入計典人員仍據實辦理

一軍政卓異加一級註冊官員陞任後將加級改爲紀錄一次若未經陞用遇下次軍政經該管大臣降爲平等者將上次卓異加級之處註銷

一軍政入於計典人員一體叅奏貪酷有欸者革職提問如事在

赦前免罪永不敘用不謹罷軟者革職年老患病者勒令休致才力不及者降二級調用浮躁者降一級調用不准援

赦其任內一切加級紀錄俱不准抵銷

一不謹浮躁等款於題叅本內將該員確按實蹟詳悉登註不得籠統叅劾

一職任官兼世職由職任糾叅貪酷不謹罷軟者將世職一併革退如有職任官糾叅才力不及並浮躁者將職任官降調留其世職仍每級折罰世職半俸三年至世襲佐領雖屬世職但佐領有辦事之責與閑散世職不同如因軍政議革議降均行開缺另議承襲

一凡世職官由世職於軍政案內糾叅應革職者革退世職應降級調用者亦卽開缺另議承襲

一軍政案內糾叅不謹罷軟年老患病才力不及
浮躁降革休致官員除前鋒校護軍校驍騎校等
係六品微員毋庸帶領引

見外其餘俱於議處本內將應否帶領引
見之處聲明請

旨至駐防官員入於計典者該管大臣等詢問伊等有
願來京者自部覆文到之日起限六箇月內呈請
給咨赴部帶領引

見如逾六個月之限者毋庸送部

雍正二年三月內奉

上諭吏部兵部三年一次舉行大計軍政此內有應革職

者若俟部議具題奉旨之後方行解任其地方遠者爲日甚久劣員預知被革恐其恣肆妄爲嗣後舉行大計軍政之期有應革者卽令解任若具題之後或有免其革職者仍可再行補授欽此

雍正十二年四月內奉

旨各省卓異人員均有現任地方之責每當大計之年理應先行具本候旨交部院察議其與例相符應准卓異者奏聞令其來京引見其與例不符不准卓異者候朕酌量應令引見與否再降諭旨如此則地方事務不致廢弛而與例不符之人亦不徒費往返永著爲令欽此

道光七年兵部議奏軍政年至六十五歲以上應

行引

見人員如有患病告假者除患病至六箇月限滿尙未痊愈應卽照例開缺外其限內病痊愈假滿各員仍由各該旗營大臣先行考驗將應入計典各員造冊咨部照例辦理有堪以留任者填註考語造具補考冊籍咨部臣部卽歸入臣部應行引

見堂考官員內一體考驗隨時帶領引

見至六十五歲以下及應送王大臣考驗留任毋庸帶領引

見人員如有考驗時咨報患病告假屬實者亦請於病痊愈假滿後由該管旗營大臣補行考驗分別去留

填註切實考語造冊送部由臣部隨案具題等因
奉

旨依議欽此

道光十七年十月內奉

上諭各省駐防旗員遇軍政之期前曾降旨飭令該管大臣覈其年歲精力認真舉劾昨復降旨申諭乃近來各省於開列年歲及分別專奏咨部辦理總未畫一嗣後該將軍等於軍政屆期務當遵照前降諭旨認真查看除照例舉劾外其年齒雖老精力未衰者自協領至驍騎校均著該管大臣詳晰查驗該員等年歲若干逐一開列專摺具奏以昭覈實而符定制欽此

馬政

謹按定例八旗官兵每遇徵調出征每兵例拴馬三匹一乘騎二載軍裝食具至康熙十八年三藩難平中原大定分遣八旗駐防邊腹廣州派京旗漢軍三千挈眷駐粵康熙三十二年部議每兵酌留馬一匹餘二匹俟臨用時再行買補經將軍拜音達禮因廣東地方食物昂貴兵丁生計維艱所支餉銀不敷養贍

奏准每兵加給二匹馬乾銀兩俾得津貼養贍家口自是年起每兵拴馬一匹支領馬乾二匹此馬乾之所由來也

雍正十年經副都統馬士傑奏准在於每兵月支三匹馬乾銀內將一匹乾銀請照部價二十一兩九錢扣存藩庫以備將來用馬時得爲買補之用嘉慶十七年將軍福會奏准除陞降不給外辭退病故者以十八兩賞還

新兵分四年扣回

謹按乾隆三十六年經將軍特克慎以馬多無用且易倒斃奏准照福州之例每旗留馬六十四匹八旗共留馬九百六十匹各旗建設馬圈合棚餵養每馬支領一乾不敷餵養請在旗下領催前鋒甲兵支領二乾內扣銀四錢其後副甲兵支領一乾亦扣銀二錢幫添餵養此合棚餵養之原委也

餵馬

細數詳
載於後

謹按道光二十一年洋人環攻省城旗兵三千不
敷戰守遂將旗丁登城助守事定之後經將軍阿
精阿奏稱粵東省垣三面臨海防守須用重兵然
添兵乏餉竊思粵地用馬之處無多不若將現存
之官馬九百六十匹將四百六十匹變價交入藩
庫將其每月草料以及各兵幫添餵養銀兩添設
無米礮手四百名卽將此裁馬之項每月支銀八
百二十八兩將八百兩作爲無米礮手之月餉其
餘二十八兩作爲操演礮位賞犒之用此裁馬添
兵之原委也

謹按道光二十四年奉部文外省吳楚閩浙兩廣各按本省月存之馬乾費用暫行裁減一半將餘銀寄存藩庫按季題報該將軍等各就地方悉心籌畫可裁則裁可留則留不必拘定減半之數嗣經將軍奕湘議定裁減官馬二十匹所剩之官馬四百八十四匹每旗各派三十匹餵養又將副都統原支馬乾十五匹請裁七匹協領馬乾十二匹請裁六匹佐領馬乾八匹請裁四匹防禦馬乾五匹請裁二匹驍騎校馬乾四匹請裁二匹共裁減馬乾二百二十二匹計每年可節省銀二千六百餘兩按年扣提報部聽候撥用此節省馬乾之原委

也

一支領草料大料月分每日草二束料三升小料月分每日草一束料二升每束升折銀七釐

一倒斃馬每百匹例准倒斃十五匹如有倒斃卽將皮臟變賣並扣存草料交右司旗庫留爲買補馬匹之用

一買馬每匹價銀不得過十八兩屆期咨行西省地方官如遇買馬委員到境照料護送並行馬平縣代僱船隻每馬發回釘倉銀一兩

一八旗官馬例於左股上蓋用火烙印記以相辨別其印官造以鐵鑄成按照兵部所頒之印式滿

洲鑲黃用⊙式印正白用⊗式印正黃用⊖式印
正紅用⊕式印鑲白用⊘式印正藍用⊙式印鑲
紅用⊗式印鑲藍用⊕式印漢軍鑲黃用⊗式印
正白用⊕式印正黃用⊗式印正紅用⊖式印鑲
白用⊗式印正藍用△式印鑲紅用⊖式印鑲藍
用⊗式印其印文皆奉兵部頒行

一春冬大料大建月分每馬支領乾銀一兩零五
分計應領乾銀一千零八兩內除裁馬二十四係
照官圈餵養銀數每匹大料大建月分節存銀一
兩八錢三分一釐共節存銀三十六兩六錢二分
坐扣藩糧二庫不領外實領銀九百七十一兩三

錢八分領催前鋒馬甲二千三百名每名幫餵養銀四錢副甲四百名每名幫餵養銀二錢共出銀一千兩二共銀一千九百七十一兩三錢八分餵馬四百八十匹每匹大料大建月分餵養銀一兩八錢三分一釐共用銀八百七十八兩八錢八分支給無米礮手四百名每名餉銀二兩共銀八百兩尙剩銀二百九十二兩五錢大料大建滿洲鑲黃正黃每旗用剩銀二十九兩四錢零八釐正白鑲白正紅鑲紅正藍鑲藍每旗用剩銀三十一兩二錢三分九釐漢軍鑲黃正黃每旗用剩銀四兩六錢零八釐鑲白鑲紅每旗用剩銀六兩四錢三

分九釐正白正紅正藍鑲藍每旗用剩銀六兩零三分九釐通共用剩銀二百九十二兩五錢存儲右司以爲小料餵馬不敷並買補馬匹之用

一春冬大料小建月分每馬支領乾銀一兩零一分五釐計應領乾銀九百七十四兩四錢內除裁馬二十匹係照官圈餵養銀數每匹大料小建月分節存銀一兩七錢六分九釐共節存銀三十五兩三錢八分坐扣藩糧二庫不領外實領銀九百三十九兩零二分領催前鋒馬甲二千三百名每名幫餵馬銀四錢副甲四百名每名幫餵馬銀二錢共出銀一千兩二共銀一千九百三十九兩零

二分餵馬四百八十四匹每匹大料小建月分餵養
銀一兩七錢六分九釐共用銀八百四十九兩一
錢二分支給無米礮手四百名每名餉銀二兩共
銀八百兩尙剩銀二百八十九兩九錢滿洲鑲黃
正黃每旗用剩銀二十九兩二錢九分二釐正白
鑲白正紅鑲紅正藍鑲藍每旗用剩銀三十一兩
零六分一釐漢軍鑲黃正黃每旗用剩銀四兩四
錢九分二釐鑲白鑲紅每旗用剩銀六兩二錢六
分一釐正白正紅正藍鑲藍每旗用剩銀五兩八
錢六分一釐通共用剩銀二百八十九兩九錢存
儲右司以爲小料餵馬不敷並買補馬匹之用

一夏秋小料大建月分每馬支乾銀六錢三分計
應領乾銀六百零四兩八錢內除裁馬二十四匹係
照官圈餵養銀數每匹小料大建月分節存銀一
兩八錢三分一釐共節存銀三十六兩六錢二分
坐扣藩糧二庫不領外實領銀五百六十八兩一
錢八分領催前鋒馬甲二千三百名每名幫餵馬
銀四錢副甲四百名每名幫餵馬銀二錢共出銀
一千兩二共銀一千五百六十八兩一錢八分餵
馬四百八十匹每匹小料大建餵養銀一兩八錢
三分一釐共用銀八百七十八兩八錢八分支給
無米轍手四百名每名餉銀二兩共銀八百兩計

不敷銀一百一十兩零七錢滿洲鑲黃正黃每旗
用剩銀四兩二錢零八釐正白鑲白正紅鑲紅正
藍鑲藍每旗用剩銀六兩零三分九釐共用剩銀
四十四兩六錢五分漢軍鑲黃正黃每旗不敷銀
二十兩零五錢九分二釐鑲白鑲紅每旗不敷銀
一十八兩七錢六分一釐正白正紅正藍鑲藍每
旗不敷銀一十九兩一錢六分一釐共不敷銀一
百五十五兩三錢五分內除滿洲八旗用剩銀四
十四兩六錢五分添補不敷外實不敷銀一百一
十兩零七錢卽在大料餵馬用剩銀內支給

一夏秋小料小建月分每馬支領乾銀六錢零九

釐計應領乾銀五百八十四兩六錢四分內除裁
馬二十匹係照官圈餵養銀數每匹小料小建節
存銀一兩七錢六分九釐共節存銀三十五兩三
錢八分坐扣藩糧二庫不領外實領銀五百四十
九兩二錢六分領催前鋒馬甲二千三百名每名
幫餵馬銀四錢副甲四百名每名幫餵馬銀二錢
共出銀一千兩二共銀一千五百四十九兩二錢
六分餵馬四百八十四匹每匹小料小建餵養銀一
兩七錢六分九釐共用銀八百四十九兩一錢二
分支給無米礮手四百名每名餉銀二兩共銀八
百兩計不敷銀九十九兩八錢六分滿洲鑲黃正

黃每旗用剩銀四兩九錢三分二釐正白鑲白正
紅鑲紅正藍鑲藍每旗用剩銀六兩七錢零一釐
共用剩銀五十兩零七分漢軍鑲黃正黃每旗不
敷銀一十九兩八錢六分八釐鑲白鑲紅每旗不
敷銀一十八兩零九分九釐正白正紅正藍鑲藍
每旗不敷銀一十八兩四錢九分九釐共不敷銀
一百四十九兩九錢三分內除滿洲八旗用剩銀
五十兩零七分添補不敷外實不敷銀九十九兩
八錢六分卽在大料餉馬用剩銀內支給

水師出洋會操加給蓬索及口糧銀兩

今改爲步軍營經費

謹按每年九月水師旗營官兵駕駛繪船獎船出洋會操所有更換蓬索及採硝製藥燂洗船隻修整添補一切需用銀兩所領之數多不敷用均於本營官兵俸餉內公攤貼補同治十一年經將軍長善副都統果勒敏附片

奏准加給更換蓬索及官兵口糧等項銀兩水師官兵始免賠累焉

附原片同治十年九月二十六日

奏再會操水師事隔二十餘年經此次奴才閱看往

由內河返經外海詳加體察一切情形似應因時制宜循名覈實量爲變通有未便拘泥成法者查出洋會操立法之初原爲使弁兵熟習洋面風色水性及駕駛行陣等法意固甚善然水師兵船不過由外海行走繞越而會操仍在海口以內港汊

紛歧河面不廣兵船停泊不動所操者仍係鬪械
爬桅等技與內河何異殊屬無裨實用且各操各
事亦與會操名實不符又其始本由該管協領帶
兵往閩後改爲將軍副都統輪流統帶繪船各船
係行外海槳船隨同將軍副都統均由內河水師
各兵船修理添補蓬索等項及官兵盤費軍裝種
種費用甚多將軍出省必須攜帶印信照常辦理
公事各項員弁兵丁不能不隨帶而行卽副都統
前往公務亦未便不理兼有賞罰約束諸事亦不
能不酌帶印房左右司員弁外郎數人加以水師
雜技各兵內外戔什哈及各行當差兵役各有專
司覈減酌派亦不爲少現查繪船二隻槳船四
隻蓬索銀兩向例每屆在藩庫實支銀七兩一錢
八分零茲據水師協領李松柏稟稱每屆出洋蓬
索不能不全行更換按照市價合計共需銀二百
七十七兩八錢八分今祇領銀七兩零所欠甚鉅
其餘採硝製藥燭洗船隻並修整添補一切需用
銀兩每年於旗庫籌備軍裝項下例支銀一百一
十五兩六錢零亦多不敷均係在於水師官兵俸
餉內自行攤出貼補應用而各項官兵自備資斧
亦均於俸餉內借支分年扣還實屬竭力墊賠難
以爲繼至於各項當差官兵所坐船隻本營無款

可籌不能不借資地方官備辦向係傳卸按察使飭令南海番禺東莞三縣發價僱備甚屬呼應不靈奴才等反覆思維海疆水師最要良法必不可裁惟有力求實際摺節浮費以期久遠而重操防奴才等公同酌覈並與督臣面商水師官兵總以法歷外海操演行船行陣爲用擬請嗣後專歸滿洲漢軍副都統輪流統帶繪船漿船前往虎門外海與水師提督會哨一次所有繪船漿船係本營兵船繪船每船可居四五十人漿船每隻可容二三十人均係兵丁自行駕駛卽由副都統就便在外海洋面操練須先求駕駛之法令其按照立定行陣迴環繞駛以期熟習水性再開放礮火以期手足便捷毋庸與提標會操其鳧水打槍關械爬桅等技平時常在內河操演不至荒廢亦毋庸前往會操操竣後仍由外海回省庶幾官兵丁請悉洋面演習實用而公事無多印房左右司前鋒官弁兵丁及水面操兵均可無庸帶往僅止副都統酌帶各項隨從戍什哈官兵各數人則爲數大減且不由內河往返毋須地方官備辦船隻大可摺節經費惟思外海水勢與內河迥異風雲變幻靡常繪船漿船各船往返洋面設遇暴風不無冒險現在督撫臣均有緝捕輪船擬請屆期先行咨會

商允奴

天

督撫派撥輪船四隻以一隻爲副都統帶同隨從
兵役座船餘三隻隨同護送以備不虞再洋面行
船全恃篷堅索固方能破浪乘風若仍係支銀七
兩零實覺不敷其一切需用仍令該營官兵均攤
陸續由俸餉坐扣不但官兵多屬貧苦無力卽所
食俸餉亦未便遽年坐扣迄無底止至出洋官兵
及隨同當差官兵向無應領口糧又無犒賞等費
亦係借支俸餉按年坐扣倘不另籌款項殊非所
以示體恤鼓勵之道奴才等再四籌商惟有仰懇
天恩准其在於藩庫每屆繪船船篷索銀兩除例支實銀
七兩一錢八分零六毫六絲並按年仍於籌備軍
裝項下照支實銀一百一十五兩六錢九分九釐
九毫外均歸於藩庫加給銀三百零六兩六錢九
分九釐三毫四絲其出洋官兵及跟隨當差官兵
向無應給口糧擬請每屆以往返十日爲率官十
一員每員共支口糧銀一兩兵六十三百三十六名每
名共支口糧銀五錢統需銀一百七十九兩此項
銀兩亦請在於藩庫動支如蒙
才等再與督撫臣妥酌籌定一款支發並分別造
具水師官兵隨從當差官兵各項名數細冊送部
存查嗣後出洋屆期卽咨會督撫轉飭藩司將蓬
索銀兩及官兵口糧銀兩一併照數給發覈實報

銷如此變通辦理俾於公事有濟不同奉行具文而船隻費用官兵行糧均有領欸不致苦累則操練巡防可期成效矣所有出洋會操量變成法緣由是否有當理合附片具陳伏乞

聖鑒訓示遵行謹

奏十二月十五日奉

旨該部議奏欽此隨經戶部等部議

奏查廣東省歷年水師船隻應需修補篷索軍裝等

費向係在於藩庫暨傳備軍裝案內動支歸於各

本案造報覈銷歷經遵辦在案今據該將軍奏稱

繪解船二隻漿船四隻每屆出洋會操篷索不能

不全行更換需費甚鉅若照歷年所支銀兩實屬

不敷擬請除向在藩庫支銀七兩一錢零旗庫籌

備軍裝項下支銀一百一十五兩六錢九分九釐

九毫外均歸於藩庫加給銀三百零六兩六錢九

分九釐三毫四絲其出洋官兵向無應給口糧亦

命下臣

部行文該將軍督撫轉飭各該屬按年分別造具水師出洋會操隨從各官兵員名以及收支各項銀兩細數清冊詳緘分晰據實造報覈銷兵部查該將軍奏請開後歸滿洲漢軍副都統統轄輪流統帶繪解漿船前往虎門外海與水師提督會哨一次係爲操演官兵整飭海疆以靖地方起見應如所奏辦理該將軍等應卽實力奉行毋得有名無實又稱外海風雲變幻非常給解漿船往返洋面設遇暴風不無冒險難計咨會督撫派撥輪船四隻以備不虞並修理添補蓬索等語工部查廣州水師旗營額設給解船二隻漿船四隻蓬索銀兩每屆在藩庫支銀七兩一錢八分零茲據奏稱洋面行船全恃蓬堅索固方能乘風破浪每屆出洋會操蓬索不能不全行更換按照市價合計共需銀二百七十七兩八錢八分今祇領銀七兩零所欠甚鉅其餘採辦製藥燂洗船隻並修整添補一切需用銀兩擬請除例支銀七兩一錢八分零並按年仍於籌備軍裝項下照支銀一百一十五兩六錢六分九釐九毫外均歸於藩庫加給銀三百零六兩六錢九分九釐三毫四絲外海風雲變幻靡常給解漿船不無冒險擬請咨會督撫派撥輪船四隻隨同護送以備不虞臣等查該將軍奏請

係為慎重洋面操防起見均應如所請辦理以資
巡防等因於同治十一年正月二十九日覆

奏奉

旨依議

欽此於同治十一年三月十二日咨行遵照在案

光緒八年九月將軍長善副都統尙昌懋鍾泰等
於裁撤水師每年船隻改歸陸路操防案內附片具
奏旗營水師每年向在旗庫支領製造火箭銀一十

六兩六錢零又在藩庫支領出洋會操口糧及蓬

索銀四百九十二兩八錢零現在改設步軍營其

各項操藝必須勤加訓練期神實用自應籌加經

費奴才等隨時分別優劣施以賞罰庶兵丁等得

有獎勵自必鼓舞練習勇躍用命以冀獲日益生精

強之效奴才等公同妥商擬請嗣後仍懇

天恩將每年旗庫應支銀內除製造子母礮藥鉛銀十

兩仍另支給外其餘銀一百三十一兩舊庫應支

銀四百九十二兩不必分晰製造火箭更換蓬索

等名目一併照舊領回作為操演一切費用等因

附

奏光緒九年五月准兵部咨會同戶禮工三部議覆

應如該將軍所奏辦理按年分晰造冊報部查覈

等因光緒九年四月初一日具

奏

等因光緒九年四月初一日具

奏

等因光緒九年四月初一日具

奏

等因光緒九年四月初一日具

奏奉

旨依議欽此

水師旗營船隻

今已裁撤姑仍其舊以備稽考

謹按該營係乾隆十年將軍策楞奏准照福州之例添設水師官兵乾隆十一年經將軍錫特庫任內立營分爲左右兩翼每翼三纛共爲六纛並設大小戰船十四隻

另座船一隻

額設外海繪船六隻內河櫓槳船八隻俱由左翼鎮標陽江大鵬香山虎門各協營移來後乾隆十八年將軍錫特庫因分防兵少船多奏准裁汰船二隻撥回原營又於乾隆四十年經署將軍李侍堯奏准裁汰繪船一隻船二隻櫓船二隻槳船二隻交與地方官變價現存繪船一隻船二隻

一隻槳船四隻

繪船一隻長七丈一尺闊一丈七尺九寸深八尺
五寸桅高七丈二尺拆造部價銀一千一百一十
五兩三錢八分九釐大修部價銀三百六十五兩
五錢八分七釐小修部價銀一百九十六兩九錢
二分二釐

船一隻長五丈三尺四寸闊一丈四尺八寸深
六尺四寸桅高五丈九尺二寸拆造部價銀五百
零一兩六錢零二釐大修部價銀二百五十八兩
四錢一分二釐小修部價銀一百四十六兩二錢
三分

槳船一隻長四丈六尺七寸闊七尺六寸深二尺
八寸拆造部價銀三十六兩八錢四分大修部價
銀一十五兩九錢八分小修部價銀八兩二錢五
分

槳船一隻長四丈一尺二寸闊七尺五寸深三尺
七寸五分拆造部價銀五十二兩一錢二分大修
部價銀二十一兩七錢一分二釐小修部價銀一
十六兩九錢三分

槳船一隻長四丈五尺八寸闊七尺一寸深三尺
五寸五分拆造部價銀四十五兩七錢一分大修
部價銀二十六兩五錢一分八釐小修部價銀一

十七兩七錢七分二釐

槳船一隻長四丈六尺五寸闊七尺一寸深三尺五寸五分拆造部價銀四十五兩七錢一分大修部價銀二十六兩九錢二分三釐小修部價銀一十四兩七錢二分二釐

另座船一隻長七丈五尺闊一丈二尺五寸深四尺二寸拆造部價銀三百二十二兩六錢六分二釐大修部價銀一百三十六兩九錢七分九釐小修部價銀六十四兩二錢四分五釐此船係乾隆四十三年經將軍永瑋奏准添設

修造船隻歷限

外海艚船二隻自裝造竣工起歷三年小修又
歷三年大修又歷三年拆造其拆造大修例限四
箇月竣工小修限三箇月竣工共計九年零十一
箇月一輪拆造每逢修造移交鹽運司廠

內河槳船四隻自裝造竣工起歷三年小修又歷
五年大修又歷三年再次小修又歷三年拆造其
拆造大修例限四箇月竣工小修限三箇月竣工
共計十五年零二箇月一輪拆造每逢修造移交
廣州府廠以上修造各船俱於六箇月之前移交
督糧道委員勘驗本營具稿呈報將軍備案俟到
修造之期復又呈稿移交廣州府廠修造

座船一隻自裝造起歷三年小修又歷五年大修
又歷三年再次小修又歷三年拆造惟該船係本
營承修如遇屆應修造到期本營協領具報勘驗
稟請將軍委員勘驗按照例價造具估計工料冊
咨請部示俟部文覆准始行在於右司籌備軍裝
項內領項興修委員監工其一輪拆造或十餘年
二十年不等

以上繪船一隻艍船一隻槳船四隻於光緒九
年 奏改步軍案內全行裁撤各船木料物件
均於光緒九年六月內移會督撫轉飭變價修
造歷限姑存其文耳

各船礮位

生鐵大礮十三尊

熟鐵斑鳩礮十三尊

熟鐵河塘礮六尊

熟鐵砂礮十五尊

配船軍火

琵琶槍十三桿

封口子一千三百箇

羣子六千五百箇

鐵沙十八斤

黑鉛八十斤

鉛彈一千七百箇

火藥五百零八斤一兩

犁頭鏢八十枝

斗頭鏢八枝

鑱刀三張

鈎鑱十張

撓鈎三十二枝

戰箭五百枝

快鎗十六張

挑刀四張

藤牌四面

牌刀一張

馬鏟四把

挨牌十二面

木槍三十六枝

竹槍二十四枝

灰包一百一十箇

火礮一百六十二箇

火箭二十匣

火筒十六箇

火磚四十八箇

火龍十六枝

火號二十枝

木火桶十四箇

三角釘五百箇

鐵蒺藜三百二十箇

綿簾十二張

鐵噴筒四十桿

描畫金龍緞大纛六面

什長旗十八面

驅旅旗三十面

黃布揚纛六面

蜈蚣旗六條

紅布衝風旗二面

紅布得勝旗二面

白布禡祖旗二面

桅尾旗十四面

以上各船礮位及配船軍火於光緒九年改步
軍案內 奏明儲庫

操演

謹按操演爲旗營要務歷任將軍副都統莫不悉心講求實力奉行凡騎射槍礮刀矛之法前鋒馬技超距貫跤諸藝水師駕駛船隻上桅鳧水之方以及孩兒槍隊均於春秋二操命該管各官按期操練隨時親臨閱看厥後因時制宜陸續添設子母礮臺礮臺槍一體訓練均有成效迨同治四年將軍瑞麟察得廣東地勢於臺槍刀矛尤爲得用經八旗官兵捐造增添臺槍五百長矛大刀各四百軍械益足光緒初將軍長善迭經添練洋槍洋礮復以鳥槍未能擊遠臺礮不甚便捷裁撤儲庫

春秋二季操演大隊連環卽以洋槍擡槍照式合演九年裁撤水師船隻改設步軍添設刀牌長矛復酌定日期與原設器械一體操演

奏准奉行於是八旗及前鋒營步軍營併威捷選鋒

隊技械咸精焉

附原奏同治三年十二月二十六日

奏

爲廣州駐防官兵捐辦擡槍刀矛製造完竣酌定操演日期併請動項製造藥鉛緣由恭摺具

奏仰祈

聖鑒事

竊照廣州市城地處邊疆山海交錯遇有緩急槍

礮固不可少而刀矛尤不可缺查旗管額設擡槍

祇有五百桿長矛祇有一千三百五十桿雙手帶

刀祇有一百張按兵分配均形不敷且擡槍刀矛

等項與廣東地勢最爲相宜必須整備有餘遇事

方資得力奴才等曾飭滿漢八旗及水師旗管協

領設法籌款添造擡槍長矛大刀三項軍器以備

不虞嗣據各協領等稟稱旗管官兵世受

國恩未効涓埃值此地方未靖之際情願捐造擡槍

五百桿長矛四百桿大刀四百張稍圖報効等語
如才等查各協領所稟實屬急公好義當即飭令
覓喚精於製造槍刀之匠人逐細講求認真製造
已於本年九月間將捐造情形附入籌備防剿摺
丙

奏

明在案茲據各協領覆稱檣槍身長五尺五寸重

二十斤二觔製造五百桿每桿工料銀九兩二錢長

矛鐵嘴長一尺桿長七尺製造四百桿每桿工料

銀五錢七分七觔重大刀製造四百張每張工料

銀二兩八錢六分共工料銀五千九百七十二兩

俱由滿漢八旗及水師旗營各官兵捐辦現在製

造完竣呈請試驗前來奴才等當將檣槍飭令演

打準頭每槍食子重一兩五錢用藥一兩五錢打

靶二百弓頗能致遠有準槍身鐵質亦甚堅實長

矛鐵嘴頗屬尖利木桿亦堅大骨迎刃而解均堪

柄長四尺如春秋刀式試以大骨迎刃而解均堪

適用即將所造軍械一體操演奴才等現酌定每月

日與原設器械一體操演新添檣槍併原設檣槍

準頭初四十二等日操演新添檣槍併原設檣槍

十六二十六等日操演長矛初七十七七等日操演新

聖主整

添擡槍進步連環初九十九二十九等日操演馬
 箭初十二二十五等日操演大刀其原設擡槍
 陣式鳥槍過堂進步連環及兵丁各項技藝仍照
 舊一體操演奴才等每遇操演日期俱親臨校場
 認真校閱優者立予獎拔劣者分別懲辦務使一
 技有一技之長一兵得一兵之用以期仰副
 飭戎行之至意至新添擡槍五百桿每年擬操演
 連環陣式十八次每次操演五百桿每桿演放六
 出共需火藥四千三百八十七觔八兩擬打靶二
 十七次每次操演二百桿每桿演放五出共需火
 藥二千一百二十六觔四兩錫子二千五百三十
 一觔四兩通共需工料銀三百四十二兩六錢六
 分二釐零旗庫存儲修補軍裝銀兩不敷動支查
 文武舉人資助一欸每年約計除動支外尚有餘
 存以之製造新添擡槍藥鉛尙屬有盈無絀惟有
 籲懇

天恩俯

准在於文武舉人資助項下每年動撥銀三百四
 十二兩六錢六分二釐零發交理事同知製造實
 於操防有裨再此大添造擡槍長矛大刀係官兵
 自行捐造應請免其造冊報銷共捐資之官兵由
 奴才等隨時酌獎以示鼓勵所有廣州駐防旗營
 官兵捐辦擡槍長矛大刀製造完竣酌定操演日

期併請勦撥資助銀兩製造藥鉛緣由理合恭摺具

奏伏祈

皇太后
皇上聖鑒謹

奏

八旗春操每年於開印後開操至五月十五日停

操
前鋒營步
軍營同

八旗秋操每年於七月十六日開操至封印停操

前鋒營步
軍營同

每年九月滿洲漢軍副都統輪流出洋會同水師

提督閱看水操一次
光緒九年將水師奏改
步軍自是不復出洋

每年十一月將軍滿漢副都統自初一日起至十

五日止各輪五日起赴燕塘駐營閱看演放大礮及

子母礮擡礮砂礮

光緒六年奏
明停操擡礮

新添威捷選鋒隊操防

謹按同治元年奉總理各國事務衙門文於駐防滿漢八旗兵丁內擇年力富強者三百五十名會同英國領事官練習洋槍以協領一員統領之佐領二員防禦驍騎校八員委驍騎校二員委前鋒校一員分管教練同治九年將軍長善副都統長順果勒敏

奏明將此槍隊官兵在於旗營要隘之地分段巡防復選餘丁一百名委防禦驍騎校七員管帶協同巡防是爲添防官兵嗣以洋槍兵僅有三百五十名未能成隊光緒元年

奏准在滿漢餘丁內挑選八百五十名共一千二百名另立洋槍隊陣併令添防官七員一同管帶名之曰威捷選鋒隊在公衙門設立總巡處所滿洲旗境先設巡防二段後加增四段漢軍旗境先設巡防四段後加增八段光緒六年因洋槍兵一千二百名業已操練純熟但遇有緩急分調卽不能成隊復

奏准添練兵三百名合前共一千五百名定爲中左右三營添派佐領一員防校二員一體操防又於光緒七年

奏准添練餘兵二百名以備頂補缺額所有洋槍隊

及添防官兵應支薪糧均由善後局按月支給焉

協領薪水銀二十四兩佐領薪水銀十二兩防校
各官薪水銀四兩二錢洋槍隊兵口糧銀二兩一
錢添防兵口糧銀一兩五錢餘兵口糧銀五錢由
旗營籌款生息在藩庫按月支給

附原奏同治九年六月十九日

奏

為駐防旗營積習太深亟宜設法整頓恭摺據實

聖鑒事

竊奴才長善自上年八月到任後隨時留心查看

旗營兵丁內勤習清漢文藝嫻熟弓馬以及刀矛

等項技藝超羣執衆者頗不乏人但生齒日繁良

莠不一而之當經出示曉諭兵丁務須恪守旗規

者閒亦有之當經出示曉諭兵丁務須恪守旗規

不准出外滋事並飭令協佐領等破除情面認真

約束惟粵省民俗素稱強悍動輒聚衆恣意要求

且向來盜賊最多雖迭經督撫臣督飭文武極力

拏辦而此風迄未大減旗營駐防年久其中不肖

兵丁間亦未免效尤漸染惡習兼以軍務之後兵

日騎縱平時該管協佐領等官又不知互相懲誠

一味袒護含混姑容以致肆無忌憚兵不畏官近

一

有應由協領等呈堂辦理事件該兵等並不俟該
管各官逐層呈報竟敢聚眾赴奴才等衙門喧嘩
呈訴實屬不成事體查粵省情形本異他省今時
又非昔比用人行政實難拘循常格若不亟思設
法嚴加整頓不但營政日益廢弛旗營體制日益
敗壞而亦於地方大局殊有關係如才等現飭協
領等議定章程於洋操官兵內挑選三百二十名
設立總巡佐領二員坐辦防禦二員帶兵八十名
在公衙門駐紮其滿漢旗地分為六段滿洲二段
漢軍四段每段派官二員兵四十名均在八旗要
隘駐紮常川巡防並責成滿漢八旗除各有值日
官兵管段官兵分旗查巡以期互相聯絡更為周密
派總查事官兵分班查巡以期互相聯絡更為周密
遇有盜匪聚眾或旗兵酗酒賭博詐搶奪及藉
端聚眾鼓譟者立即帶兵前往緝拏彈壓其巡官
與兵丁等隨時分別勤惰量為勸懲然積習相沿
已非一日此次非明定賞罰重以責成誠恐日久
故事奉行雖有整頓之名仍無整頓之實相應請
有旗營各官如有實心實力認真管轄盡除積習著
有成效者限以二年後准由奴才等分別擇尤專

奏懇

天恩優予獎勵或有能隨時拏獲盜匪彈壓地面整飭營

伍廉能出衆者卽隨時由奴才等破格保舉以示
鼓勵其有管轄不嚴塞責目前希圖了事者亦隨
時嚴行參辦以儆疲玩至兵丁如有爲非作反犯
酗酒賭博詆詐搶奪等情及有桀驁不馴仍敢聚
衆滋事者奴才等隨時查明盡法處治庶足以破
積習而昭炯戒再廣東省城內無旌城中多旗民
雜處風氣向稱強悍往往因口角微嫌積不相能
遂成仇衅而官員亦每每各存意見辦理不得其平
奴才等再四思維隱憂殊切業經會商督臣撫臣
嚴飭營縣各官不分畛域一體秉公化導善爲禁
治總期芥蒂潛消旗民和睦上紓
聖主厘念海疆至意奴才等爲整肅營政綏靖地方起見
是否有當伏乞

皇太后
皇上聖鑒訓示遵行謹

奏軍機大臣奉

旨另有旨欽此 同治九年七月十七日奉

上諭長善等奏請整頓駐防旗營一摺廣州駐防旗營兵

制日弛該管各官往往因循祖護積習甚深自應大加

整頓該將軍等現議章程於各地面派員巡查遇有盜

匪聚劫立即拿辦所籌尙屬周妥卽著長善等認真辦

正學入其臣 卷五 經政 選鋒隊操防

理不得有名無實惟經此次整飭之後該旗營各員如
仍前怠玩罔知振作該將軍等務當破除情面卽行參
處毋稍徇庇至旗營舉劾自有定章若以二年一保未
免徒事紛更轉滋冒濫所請著毋庸議如實有才具出
衆勞績優異者准其酌保一二員以示獎勵餘著照所
議辦理將此各諭令知之欽此

奏為添選兵丁演習洋槍隊陣併請留俸滿之協領

聖鑒

事竊維克敵制勝火器爲先而思患預防練兵爲

要奴才等先後到任督同旗營協佐領等將槍

烏槍認真操演實力講求演打準頭俱能命中致

遠練習陣式亦屬步伐止齊但裝藥安碼夾繩等

事頗覺累贅且施於風雨門藥散溼其用亦有所

窮因見外國快槍由後膛安放藥碼似屬巧便異

常當與前督臣瑞麟商酌召工創製洋式擡槍十

餘桿試爲演放甚屬便捷有準風雨無誤奴才長
善會將與前督臣瑞麟會商籌欸購置機器廣製
洋槍認真訓練情形於同治十年三月間密覆
親王條奏摺內陳明在案隨經前督臣瑞麟派員
購置機器照洋槍式樣開局製造然經費不貲工
匠亦難得人其陸續製成者爲數無多奴才等伏

百籌辦海防

思擡槍每桿需用二人鳥槍需用一人其命中致遠洋槍與中國擡槍不甚相殊是鳥槍較擡槍更為簡便去歲奉

之便附購外洋快槍三千桿撥給旗營一千二百

桿亟須添兵操演以資捍衛查旗營前經派撥官

十四員兵三百五十名會同英國弁兵練習隊陣

又派撥官六員兵三百名會同法國弁兵練習隊

陣所需口糧經費統由善後局支給後法國弁兵

調回旗營官兵亦即裁撤惟練者英國槍隊之旗

營官兵仍常川在英領事公署操演奴才等不時

調赴校場閱看其步武陣式進退分合之法甚屬

精捷但奴才等每惜為數太少不成一隊屢欲增

廣槍兵輒以經費支絀而止現在購備洋槍一千

二百桿既經足數而舊練兵三百五十名實已熟

練有效亟宜增廣成軍以備緩急奴才等公同商

酌除旗營舊有之擡槍鳥槍仍照常操演外擬就

現有洋操兵三百五十名再選精壯兵丁八百五

十名共一千二百名另立洋槍隊陣就其步伐陣

式量為推廣勤加訓練以成一隊選鋒之用其新

添洋槍隊兵所需口糧經費奴才等現與督臣英

翰撫臣張兆棟妥為商酌尚未議定章程容俟再

行詳細具

奏至簡練洋槍一切號令陣法尤須認真訓誨使各兵詳明遇事方能濟奴才等督同滿漢協領朝久講求幸各協領均係久任實缺與兵素習恩信相孚且各辦各旗諸事向稱得力惟內多現屆俸滿例應請咨進京引

見而添練兵操事極繁重非紛紛調署生手之員所能勝任茲查有鑲黃正白旗滿洲協領國興副都統街記名簡放副都統鑲黃正白旗漢軍協領王鎮雄二品頂戴鑲白正藍旗漢軍記名協領丁德源水師旗營記名協領楊威均屆俸滿例應進京可否仰懇

天恩俯准協領國興等四員暫緩送部引

見俟下屆俸滿再飭循例進京以復定制之處出自逾格鴻慈所有奴才等添兵演習洋操隊陣並請將俸滿協領暫緩進京各緣由理合恭摺具陳伏乞

皇太后

皇上聖鑒

訓示遵行謹

奏軍機大臣奉

旨著照所請兵部知道欽此

光緒元年十月二十八日奴才長善果勒敏跪

奏為旗管添選兵丁練習洋槍隊陣酌定操演章程

並妥籌口糧經費恭摺具陳仰祈

聖鑒事竊奴才等於光緒元年四月十八日曾經具

奏旗營練習洋槍兵祇有三百五十名為數太少不

成一隊擬請再選精壯兵丁八百五十名共一千

二百名另立洋槍隊陣以備緩急之用其添選兵

丁所需口糧經費容俟與督撫臣妥為商酌再行

具奏等因於本年六月十一日遞回原摺後開軍機大

臣奉

旨著照所請兵部知道欽此奴才等伏思當今修明武

備固以整頓火器為先尤以講求陣法為急是以

於本年四月間具

奏後即飭滿漢八旗及水師旗營協領等在於兵丁

內挑選強壯者八百五十名內立頭目六十三名

自六月初一日起著令洋操員弁帶同各兵每日

分場在各旗公所將洋槍隊伍勤加演習如有步

伐遲鈍者隨時更換俟學有頭緒再為會操陣式

所有應支口糧仍照舊洋操兵所領銀數每名月

給銀二兩一錢內立頭目六十三名加給銀四十

九兩五錢每月共需銀一千八百三十四兩五錢

當經移會督撫臣轉飭籌辦茲據兼署總督撫臣

皇太后

奏伏乞

皇上整飭戎行莫安疆土至意所有添設洋槍隊陣酌定操演章程並籌給口糧緣由理合恭摺具

皇上聖鑒訓示謹

奏軍機大臣奉

旨知道了欽此

光緒六年六月二十二日奴才長善尙昌懋經文

張兆棟咨開飭據善後總局會同藩臬二司詳稱查旗營學習洋槍原設官十四員兵三百五十名月需薪糧銀八百四十三兩九錢係於同治元年月起在於本局辦理軍需善後月餉項下支給現在添練旗兵八百五十名共成一千二百名官十四員共月需薪糧銀二千六百七十八兩四錢一併照數在善後總局月餉項下支發以歸畫一奴才等現與兼署總督撫臣張兆棟商妥新添洋槍兵口糧定於十月初一日起支嗣後按月隨同舊洋操薪糧一併均在善後局支領以資鼓舞而冀速成奴才等仍當不時校閱分別勸懲務使舊有學成者更加精捷新添演練者日就熟習總期一律精強咸成勁旅平日則藉以捍衛邊陲遇事則用以克敵制勝以仰副

奏

為海防緊要擬請旗營添練洋槍隊兵並將舊設

倉礮分別裁留以昭覈實而杜虛糜恭摺具陳仰

聖鑒事竊維守圉設險首重練兵制勝克敵全憑利器

二十年來中外通商泰西各國講求火器愈奇愈精凡製造槍礮等器出一新式即將舊式不合用者全行廢去爭強好勝各擅其能務求真實用不為塗飾美觀而中國則因循成法不敢輕議更改雖政治各有不同而實力奉行期適於用殊無異理奴才長善到任後將旗營各項技藝會同副都統督飭協佐領等認真操演其額設之槍礮槍鳥槍三項奴才等留心校閱陣式雖屬整齊打靶亦能有準但施放運用終不若洋槍之巧捷異常風雨無誤是以奴才等於光緒元年

奏

明在於滿漢八旗添選精壯兵丁八百五十名與

前在英國領事公署學成之練兵三百五十名共

一千二百名內有行礮十二尊兵二隊共一百二

十名按其演就陣式量為推廣逐日認真操演隨

經一律精熟光緒三年督臣劉坤一查閱營伍以

洋槍隊兵步伐嚴整施放敏捷其操演陣式尤為

變化有方頗得運用之妙將管帶員弁分別

奏

請獎勵在案奴才等現飭洋槍隊兵演打準頭自
三百弓遞加至六七百弓皆能命中誠爲軍中利
器擡槍雖遜其捷便其命中致遠尙堪及之而擡
礮致遠不過二百餘弓鳥槍致遠不過百餘弓實
屬大相懸殊不適於用奴才等再四熟商當此時
事多艱海防綦要誠不得不破除成見因時制宜
修明武備伏思洋槍兵現止一千二百名業已操
練純熟但遇有緩急仍恐數少分卽不能成隊查
滿漢八旗馬步甲兵及餘兵壯丁之可用者尙復
不少若能再添洋槍八百桿挑選精壯兵丁八百
名與現在一千二百名共二千名乃足以壯軍威
而資捍衛然當此經費支絀之際又不得以壯軍
擡節安爲籌畫擬請暫添洋槍三百桿挑選精壯
兵丁三百名與現在一千二百名共成一千五百
名一體練習步武陣式定爲中左右三營務令能
合能分臨機制變以爲摧敵選鋒之用俟將來經
費充裕再行查看情形隨時酌議增添其擡槍一
項仍令勤加操演以資接應至擡礮鳥槍兩項實
屬無用卽行裁撤儲庫每年應造擡礮鳥槍子藥
等項亦一律停止春秋二季應循例操演大隊連
環卽以洋槍擡槍照式合演以符定制必期練一
兵得一兵之效用一器盡一器之長子藥皆有定

章拉蓋均歸實濟乃為今日變通之急務查洋槍
隊原設官二十一員逐日專司操演雖該兵等現
已純熟必須精益求精不能停其操演漸形荒疎
此次加添新兵三百名擬請添派佐領一員防禦
驍騎校二員管帶分操其原設洋槍兵一千二百
名前因旗營地面遼闊最易藏奸

奏

請設立巡防因該官兵已有薪糧毋庸另籌經費

即將官兵全數派撥分段安置徹夜梭巡數年來
頗稱安靖是洋槍隊官兵一舉兩用欲籌久遠更

不能停其薪糧今加添兵三百名亦擬一律辦理
所有口糧銀二兩一錢仍照原設洋槍兵奏定章程月

支口糧銀二兩一錢內立頭目二十名加銀一十

六兩五錢添派佐領一員防禦驍騎校二員自應

照支薪水而原設管帶之佐領與分操之防禦驍

騎校及委驍騎校俱一律支給薪水銀四兩二錢

似不足以別官階而分繁簡擬請將原設佐領二

員及新添一員各管一營為一營之總領擬請每

員各加給薪水銀七兩八錢共防校等官俱仍照

舊支領以示區別所有原設新添每月共銀三千

三百六十兩九錢及操演子藥等項統由善後局

支領以歸畫一似才等與督臣張樹聲撫臣裕寬

悉心商酌意見相同合無仰懇

聖恩八真志卷五經政選錄隊操防

天恩俯准添練洋槍隊兵三百名合前共成一千五百名卽將檉礮鳥槍兩項全行裁撤如此一轉移間而化弱爲強虛爲實無事則日逐操練夜派巡防以安省會有事則外備折衝內資捍衛以重邊防於海疆要地大有裨益奴才等爲慎重海防實事求是起見是否有當伏乞

皇太后

皇上聖鑒訓示遵行謹

奏軍機大臣奉

旨著照所請欽此

光緒七年三月初五日奴才長善尙昌懋經文泰

跪奏爲添練洋操餘兵並購買洋槍子藥以備補兵額

而儲軍用恭摺仰祈

聖鑒事竊奴才長善等抵任粵邦十有二載舉凡整頓

營務督飭操防實力講求萬不敢粉飾外觀爲苟

且目前之計方今時局艱難尤當振刷精神修明

武備奴才等去年復經

奏添洋槍隊三百名並前練一千二百名共一千五

百名合成三隊朝夕訓練實可成一勁旅惟洋操

必須全隊嫻熟始能一律整肅該隊並無餘兵如

遇有病亡或緩急有事難保無臨時缺額尙遠補

奏

生手必至全隊錯亂貽誤非輕此正額之外不能
不籌添餘兵之實在情形也如才等久擬在滿漢
入旗開散中挑練精壯兵丁二百名作為洋操餘
兵奈經費無從籌措迄未舉辦今查得將軍衙門
右司庫內經前任將軍瑞麟會於同治二年
稿練洋槍隊三百五十名酌定每月由善後局籌撥
稿賞銀六百兩以為獎賞操演兵丁及各項公費
之用當時練兵僅三百五十名稿賞各項費用無
多每月儘有盈餘統統瑞麟慶春任內所餘銀兩俱
交右司庫內存儲以才長善同治八年八月抵任
後照章辦理嗣經迭添洋操至一千五百名兵額
比前加增稿賞亦比前多費除放給稿賞外所有
各操廠巡防處所燈油茶水心紅紙張並修理洋
槍子藥添換旗幟各物津貼各書院義學脩伙獎
賞均藉此項支給每月亦有節餘除在此餘款隨
時動支辦理旗營各項緊要公務外現在尙存用
剩銀一萬五千五百餘兩既已積有鉅款正可從
容布置今擬將一萬兩添發交典商生息一分息算
每月得銀一百兩添練餘兵二百名每月每名按
照漢軍無米養育兵口糧給銀五錢每月共需銀
一百兩息項所入足敷放給復聞稅務司云現在
操用之士乃打後膛洋槍比前價值更廉亟應趕

緊多購遇有損壞添補即將來廓充兵額亦可一律備用又洋槍所用子藥粵東軍火局素乏製造均由外國購買倘有緩急諸形掣肘現擬購洋槍一千桿子藥二十萬箇連保險運腳在內計需用銀一萬兩所有存儲銀一萬五千五百餘兩除一萬兩發交生息外所餘銀五千五百餘兩以之購買洋槍子藥各用尙屬不敷但所欠之數無多因此中止殊爲可惜如才等再四思維現已在外設法張羅銀四千四百餘兩湊足一萬之數以成其事當即兌交稅務司代購一切計期三月底可運到粵奴才長善與副都統奴才尙昌懋經文泰熟商意見相同合無仰懇天恩俯念操防緊要准如所請添練餘兵購買洋槍子藥俾得戰守有資以仰副聖主綏靖海疆之意至在外張羅銀四千四百餘兩日觀藩庫度支甚繁時形拮据實難瑣碎與商迫其籌還伏念奴才長善受恩深重未報涓埃此均職分應辦之事奴才長善情願自行報効不敢仰邀議叙此次支銷一切係動用節省餘存銀兩並非正款應請免其造冊報銷其餘兵口糧生息一項每年收放數目嗣後統歸年終兵餉冊內另款報部查覈再洋槍隊現經公商

皇太后

奏伏乞

仿照神機營威遠字樣擬名為威捷選鋒隊合並聲明所有添練洋操餘兵並購買洋槍子藥緣由理合恭摺具

皇上聖鑒訓示施行謹

奏軍機大臣奉

旨著照所請辦理欽此

光緒九年八月初十日將軍長善副都統尙昌懋

鍾泰等片

奏再旗營前經

奏明設立洋槍隊練兵一千五百名定為中左右三

營合為一大陣每管用洋槍三百八十四桿共用

槍一千一百五十二桿配以旗幟金鼓號令逐日

演練步武陣式現已一律精熟均能臨機制變惟

原設行礮祇有十二尊分配三營實屬不敷才

等每見由後膛安礮入藥之洋礮甚屬敏捷隨即

覓匠做造六尊現已造成配以礮車牽挽而行頗

屬利便連原有行礮十二尊共十八尊每管分配

六尊足敷調遣所需工料銀一千兩零八錢由

才等捐辦完竣請免造冊報部覈銷其操演應需

洋藥礮子等項統由善後局支領以歸畫一所有

奴才等捐造後膛洋礮緣由理合附片具陳伏乞
聖鑒謹

奏軍機大臣奉

旨知道了欽此

犒賞

謹按同治二年署兩廣總督晏端書會商據法國領事李添嘉伸陳以該國派有弁兵來粵請照英國練兵成案酌撥旗兵交給教練等情經署將軍庫克吉泰先後派撥官六員兵三百名送交法國領事教練所有官兵薪糧照英國成案按月支領旋於同治三年法國弁兵遣撤回國經將軍督撫會商將此項官兵撤回旗營歸入將軍各衙門勤加訓練其津貼口糧酌量成數以備犒賞之資按月籌備洋銀六百兩由善後局領回均勻給賞俟善後事竣沿海地方安靜再行截止經兩廣總督

瑞麟奏准在案焉

附載原案同治九年兩廣總督瑞麟廣東巡撫李福泰附片具

奏再同治三年六月間因留粵教練洋槍之法國兵頭遣撤回國經前督臣毛鴻賓前署撫臣郭嵩燾與臣瑞麟前在將軍任內公同妥商將挑選練習洋槍之旗官六員兵三百名撤回本旗歸入將軍各衙門勤加訓練推廣操演其各洋槍兵津貼口糧仍擬酌量成數撥交將軍衙門以備犒賞之資俟軍需撤局卽行截止報銷等由會同附片奏明並飭據軍需局司道按月籌備洋銀六百兩送交將軍衙門均勻給賞在案茲據善後局司道以粵省軍需總局已於同治八年十月初一日改爲善後總局所有旗營洋槍官兵犒賞銀兩應否截止報銷抑仍照數接支會詳請示辦理前來臣等覆覈前項犒賞旗營習練洋槍官兵銀兩軍需既經撤局本應截止報銷以符原案惟查該旗兵等自法國兵頭同國歸入將軍各衙門訓練以來經歷任將軍暨現任廣州將軍臣長善協同左右都統實力實心按期認真操演不特未敢曠廢且令推廣各旗遞相傳習輪流更換日異月新臣等不時公同校閱其步伐心手較前變化生動進退號令亦甚整齊合度是工夫既能精進而訓練不容

聖鑒

訓示施行謹

奏奉

旨知道了欽此

開斷況當海疆多事正滿綠營兵操防喫緊之時
此項洋槍旗兵既未便驟停練習月給賞銀似未
能照案遽行截止臣等審時度勢不敢稍事拘泥
擬飭善後局司道在於軍需善後項下按月照數
籌撥支送以示體恤仍俟善後事竣或三五年後
察看洋槍旗兵簡練精熟悉成勁旅沿海地方安
靜再行截止連歷年撥支銀兩覈明專款報銷是
否有當謹合詞附片陳明伏乞

補放

謹按廣州駐防滿洲漢軍協領缺出由將軍副都統按滿洲漢軍缺分在於兩翼應陞人員內揀選佐領防禦缺出在於各本翼應陞人員內揀選驍騎校缺出在於各本翼應陞及軍功捐輸三項之領催前鋒馬甲內遵照奏定章程分爲三班按班揀選如輪應捐輸人員曾經引

見者卽行坐補毋庸送部其餘揀選大小員缺俱擬定正陪送部轉咨該旗帶領引

見補放一員其餘一員可否記名之處恭候

欽定如奉

旨記名後令回原處以協領記名之員遇有應補缺出專摺奏補以佐領防禦驍騎校記名之員遇有應補缺出卽行坐補咨報部旗仍於歲底將坐補人數彙報部旗由該旗轉咨值年旗彙奏倘有年力衰老行走遜前等項事故將記名之處咨部註銷驍騎校分班補放

謹按驍騎校缺出向於本翼應陞領催前鋒內揀選補放別無班次自咸豐軍興以來兵丁因軍功保舉驍騎校用者甚衆又遵火器營章程由監生報捐驍騎校者亦不少同治二年署將軍庫克吉泰等

奏定分爲三班挨次補用未盡詳悉八年將軍長善等酌議變通章程

奏准仍分爲三班相間輪用如輪應本班補放而班內有記名者挨次坐補一人卽爲過班無記名者乃將本班人員揀選正陪送部引

見其記名人員仍歸各本班坐補不得彼此攙越軍功捐輸兩班若無人仍照例將應陞人員揀選補放

焉

附原奏同治二年八月初三日
奴才庫克吉泰海春跪

奏爲捐輸人員酌議分缺開用恭摺具

奏仰祈

聖鑒事竊准兵部咨以由監生遵火器營章程報捐請以驍騎校儘先補用先行送部引

見之王汝梅等四員經兵部帶領內閣驗放奉旨著照例用欽此欽遵咨行前來查廣州駐防驍騎校缺

出向例在於本翼應陞領催前鋒內揀選擬定正
陪咨送部旗帶領引

見補放其擬陪奉
旨記名者遇有缺出咨報坐補又軍營保舉儘先即補人

員本翼有缺酌送軍營奏請補用歷經遵照辦理
各在案今此項捐輸人員應如何補用之處查從
前並無辦過例案自應酌議辦理奴才等公同覈
議請以記名應陞者為一缺次以軍功儘先者為
一缺次以捐輸補用者為一缺三缺相間挨次錄
用以免陞途擁擠再此大捐陞驍騎校王汝梅等
四員於回省後奴才等親加驗看皆係青年可造
而於旗務差操尤應合其熟悉當已分派各處學
習行走擬請一年期滿再行揆缺咨補似於籌裕
經費之中仍寓覈實人才之意所有奴才等酌議
捐輸人員分缺開用緣由謹恭摺具
奏是否有當伏乞

皇太后
皇上聖鑒訓示謹

奏議政王軍機大臣奉
旨依議該部知道欽此

同治八年十一月十四日奴才長善長順果勒敏
跪

奏為酌議變通挑補驍騎校員缺章程恭摺具

奏仰祈

聖鑒事竊查廣州駐防驍騎校缺出向例在於本翼應陞

領催前鋒內揀選擬定王陪咨送部旗帶領引

見補放其擬陪奉

旨記名人員遇有應補缺出即行坐補咨報部旗歷經遵

照辦理嗣因有軍功保舉奉

旨以驍騎校儘先補用者又有遵火器營章程報捐驍騎

校儘先補用先行送引

見奉

旨照例用者因無辦過補用例案經前署將軍庫克吉泰

等

奏准以記名應陞者為一缺次以軍功儘先者為一

缺次以捐輸補用者為一缺三缺相間挨次錄用

等因在案今鑲藍旗漢軍出有驍騎校一缺輪應

補用軍功人員自應於軍功人員內揀選補放但

軍功班內尚有曾經擬陪奉

旨記名者若按其記名坐補則應陞班內又有奉

旨記名在前者原奏並未詳細聲明礙難覈辦正在參酌

間隨據記名人員紛紛具呈懇求坐補應陞人員

亦各爭論不休伏思具呈求缺此風斷不可長而

前定之章程實有未能允協之處如才等公同商

酌除將具呈懇恩之記名人員嚴行申飭去後議
將此次所出之驍騎校一缺統將記名應陞軍功
捐輸人員全行校閱必須舉止端方技藝嫺熟兼
通滿漢文義者分別等差秉公揀選當將正紅旗
軍功藍翎以驍騎校儘先補用之馬甲馬均良擬
正正黃旗武舉領催楊縉基擬陪咨送部旗驗放
查應陞班次之記名人員及軍功班次之記名人
員應如何輪班生補未有明條若不明定章程不
足以昭平允奴才等悉心覈議嗣後請以應陞人
員為一班次以軍功人員為一班次以捐輸人員
為一班仍分為三班相間輪用將來遇有驍騎校
缺出輪用應陞班時本班內有記名者即行挨次
生補如無記名即將應陞人員揀選補放輪用軍
功班時本班內有記名者即行挨次坐補如無記
名即將軍功人員揀選補放輪用捐輸班時即分
別捐輸及引
見之先後挨次補放其記名人員各班俱有應查其係由
何班記名仍歸各班班挨次坐補不得籠統歸於
一班而各班亦不得彼此撓越惟現在應陞人員
多於軍功捐輸人員數倍應請輪用軍功捐輸兩
班時如查各本班無人仍照例即將應陞人員揀
選補放如此詳細分晰庶各項人員不致向隅而

見同旗自應於出缺時坐補但其餘二十餘員雖俱未會

見而勞績在先資格最久當差年分亦深不於此時預為
引
籌畫示以一定之則勢必紛紛請咨赴部帶領引

見而將來序補亦必紊亂無章奴才等公同妥議擬俟輪
用軍功班時除曾經擬陪奉

旨記名者即行挨次坐補其餘軍功候補人員無論曾否
引
見均應分別勞績之年月先後挨補如同時奉

旨者即分別資格之淺深同一資格則分別補用之先後
與差操之勤惰斟酌補放庶可杜其干進之私亦
足息其紛爭之念所有奴才等酌議變通補用驍
騎校員缺章程理合恭摺具

奏伏乞

皇太后
皇上聖鑒敕部覈覆施行謹

奏
旨兵部議奏欽此

兵部為咨行事武選司案呈本部議覆廣州將軍
長善奏變通挑放驍騎校官缺章程一摺於同治

壬子年八月二十日
臣等謹將該將軍奏摺

旨依議 九年二月初九日具奏本日奉 欽此相應抄錄原奏行文該將軍遵照可也須至

咨者 兵部謹

奏為遵

旨議奏事內閣抄出廣州將軍長善等奏酌議變通挑放

教部覈覆等因一摺同治八年十二月二十九日軍機大

臣奉

旨兵部議奏欽此欽遵抄出到部查廣州將軍奏稱該處

驍騎校缺出向於本翼應陞領催前鋒內揀選正

見補放其擬陪奉

旨記名人員即行咨補嗣因有軍功保舉以驍騎校用人

員又有捐輸驍騎校人員經前署廣州將軍庫克

吉奏奏准以記名應陞者為一缺軍功儘先者為

一缺捐輸補用者為一缺三缺挨次錄用今出有

驍騎校一缺輪用軍功人員自應於軍功人員內

揀放且軍功班內尚有曾經擬陪奉

旨記名者若按其記名坐補則應陞班內又有奉

旨記名在前者礙難覈辦今擬請以應陞人員為一缺次

以軍功人員為一缺次以捐輸人員為一缺仍分

見

為三班輪用將來遇有驍騎校缺出輪用應陞班
時本班內有記名者即行挨次坐補如無記名者
即將應陞人員揀放輪用軍功班時本班內有記
名者即行挨次坐補如無記名者即將軍功人員
揀放輪用捐輸班時即分別引
先後挨次補放其記名人員均應查係由何班記名人
員仍歸各本班挨次坐補不得彼此攙越等語又
查

見

盛京防禦驍騎校缺章程係三缺為一輪第一輪先
用軍功人員請補次用捐輸人員咨補次用存營
已引

見

記名人員坐補第二輪仍先用軍功人員請補次用捐
輸人員咨補用至存營班次揀選未經引

見

人員擬定正陪請補以三缺為一輪遇而復始曾經
盛京將軍奏明並咨部酌議有案今廣州應陞驍騎
校三項班次與

見

盛京應陞防禦驍騎校班次比擬除廣州軍功班內
有曾經擬陪引

見奉

見

記名人員及未經引

人員並三缺輪用先後次序較之

盛京奏定章程雖屬稍有不同所擬亦甚周妥嗣後

聖恩補放

駐粵八旗志

卷五

三

見先後廣州驍騎校缺出分爲三缺其捐輸人員按照引

人員按照奉

旨先後挨次坐補如記名人員用竣軍功一項無論會否

引

見均按保舉奉

旨先後序補所有臣等遵

旨議奏緣由是否有當伏候

訓示遵行謹

奏

同治十年五月奴才長善長順果勒敏片

奏再奴才等查得廣州旗管軍功保舉人員內多有

不按陞階不遵定例任意濫保者若不認真覈驗

殊不足以昭平允而裨營政同治六年五月內准

浙江提督鮑超谷開保奏克復嘉應州城案內出

力人員欽奉

上諭廣州藍翎卽補防禦委驍騎校王紹宗著以佐領儘

先拔補驍騎校舒豐泰著以防禦儘先拔補馬甲陳陞

著免補驍騎校以防禦儘先拔補併賞戴藍翎欽此咨

行前來查王紹宗由委驍騎校領催在羅定等處

勦匪出力經兩廣總督瑞麟等保舉以驍騎校補

用併賞戴藍翎按其陞途應補驍騎校後方能陞

上諭捐

補防禦所保以佐領儘先拔補係屬有越陞階且該弁並非卽補防禦竟以卽補防禦請獎亦屬錯悞舒豐泰係委驍騎校領催並非驍騎校所保以防禦儘先拔補並未聲明免補驍騎校亦屬越級錯悞至馬甲陳陞並未調赴軍營係因飽超委員來粵籌辦軍火陳陞捐辦洋藥二千五百罐竟附入克復城池案內優保以防禦儘先拔補併賞戴藍翎殊屬冒濫不合又同治六年九月內准兩廣總督瑞麟咨開廣西巡撫張凱嵩遵保剿辦山澤逆匪出力員弁案內同治六年五月二十四日奉納門千總周鎮昌著以防禦陞用等因欽此咨會前來查周鎮昌係水師兵其捐納門千總之處旗營並未奏有文照所保以防禦陞用亦屬不合再查旗營驍騎校缺出向例在於應陞領催前鋒及軍功馬甲內揀選補放各軍營保舉案內自副甲以及閑散人等有聲明俟補馬甲後以驍騎校補用者亦有未經聲明俟補馬甲後卽徑以驍騎校補用者更有由軍營預行咨送部旗驗看同營遇缺卽補者實屬未能盡一辦理殊形窒礙當經奴才等逐一查明將保舉錯誤越級不合之王紹宗舒豐泰陳陞周鎮昌及未挑補馬甲而在軍營保舉驍騎校之副甲劉福燧步甲黃建滔衡秉吉王

紹光礮兵黃建基都遠春餘兵李逢露武生開散
陳廣文壯丁劉錫書等九名均請俟補馬甲後再
以驍騎校補用各緣由咨請兵部覈議示覆在案
隨經兵部以王紹宗等保舉係同治五年前任閩
浙總督左宗棠保奏之案彼時尙未議定覈減越
級保陞章程既經奉

日允准

自應遵照辦理至保奏防禦之周鎮昌行令查明
該員之門千總係於何年月日何案報捐聲明咨
部再行覈辦所請副甲等俟補馬甲等兵缺再行
補用官缺之處查無似此成案等因咨覆前來如
才等伏思用人之途不嫌其廣而考覈之道實貴
乎精該弁兵等如果軍營著有實在勞績自應按
照官階覈實保獎則同營遇缺序補方不至紊亂
無章無如各路軍營保舉冒濫者頗多而飽超一
管爲尤甚不但不覈勞績不按官階亦不查明旗
綠兩營陞途卽聽本人妄求所欲率行具保甚至
有並未調赴軍營或以捐輸等項因親友夤緣囑
託卽列入剿賊克城案內由兵勇竄名保舉二三
次卽保至二三品者不知凡幾如才等素所稔悉
深爲痛恨在部中辦事祇知查照章程例案以爲
准駁而於外間冒濫情弊本不與聞亦無從周悉
也至於奴才等鎮守地方責任舉錯必須循名覈

實有裨營政不得如部中拘拘謹守成法而已該
弁兵保案既已咨請部示而兵部覆文以未定覈

旨自應

遵照及查無似此成案等語奴才等熟察情形亦

恩准

議更張自是善善從長之大義而保薦失實急宜

更正豈容默然致誤於事機誠以文武兩途必求
賢俊大小庶務全資責實若因未定章程並無成

朝廷

慎簡人材之意況該弁兵不次之遷本屬過優

乃至本非防禦而混以防禦詩獎非獎騎校而不
以免補聲明馬甲可躡躡於防禦可奔競以

爭先是不論原資不求實績但得奉

旨即可

含糊任其紊亂不特該弁兵在旗毫無出力忽爾

倖邀名器不能折服人心即遇缺揀選諸有礙難
而奴才等徇隱自便既蹈欺罔

君上之

罪復貽敗壞營政之端大臣公忠體國豈應若是

乎再查例載補放驍騎校缺如領催不得其人將

出征効力年久之甲兵一同揀選等語現在保以

驍騎校補用之閒散人等未經當差不諸營務處

行補放官鎮勢必難於管轄弗能勝任當此整頓

營伍力挽積習之際旗營大小官員非熟諳營務

振作有爲不足資得力奴才等並非多事苛刻
實以漫不加察貿然從事於營政諸多窒礙難行
且今時外省文武積習大病惟以粉飾朦蔽因循
是務奴才等明知故蹈是誠何心該弁兵等保案
固不敢含糊遷就亦未便淹沒勤勞奴才等再三
籌思公同商酌若再咨請部示亦復依樣葫蘆無
濟於事惟有認真覈實斟酌周妥奏明辦理庶昭
平允而符定章相應請

旨可否

將藍翎以驍騎校補用之委驍騎校領催王紹宗
改爲候補驍騎校後以防禦儘先拔補委驍騎
校領催舒豐泰改爲以驍騎校儘先拔補水師兵
周鎮昌係於同治五年十月內在粵省皖捐分局
報捐門千總領有實收並未領到部照亦未奉有
明文應改爲以水師旗營驍騎校陞用併賞戴藍
翎馬甲陳陞當軍務喫緊之際捐辦洋藥二千五
百罐以濟軍需查洋藥價值並無例案可循按照
該年市價覈算每罐值銀三錢二分共計捐銀八
百兩亦屬踴躍急公應查照捐辦軍火成案給予
五品頂戴藍翎其捐數尙屬有盈無絀至保舉驍
騎校之副甲步甲破兵餘兵養育兵閑散人等無
論會否赴部預行驗放均請俟補馬甲一年後遇
有相當缺出擇其滿漢文明白弓馬去得當差勤

慎者再行按照原保官階查照如才等奏准補放
驍騎校章程分別序補如此覈實辦理庶於人材
勞績不致偏廢而於營政更大有裨益矣所有認
眞覈驗保舉未敢拘泥部覆擬請一律更正緣由
是否有當理合附片具陳伏乞

聖鑒訓示施行謹

奏軍機大臣奉

旨著照所請該部知道欽此

光緒三年五月廣州將軍長善漢軍副都統兼署
滿洲副都統吉和爲咨明事據掌理左司關防協
領王鎮雄等呈稱案查廣州駐防選補驍騎校缺
於同治八年十一月內經將軍長善前任副都統

果勒敏

奏明以應陞人員爲一缺次以軍功人員爲一缺次

以捐輸人員爲一缺分爲三班輪用遇有驍騎校
缺出輪用應陞班時本班內有記名者卽行挨次

坐補如無記名者卽將應陞人員揀選補放輪用
軍功班時本班內有記名者卽行挨次坐補如無

記名者卽將軍功人員揀選補放輪用捐輸班時
卽分別引

見之先後挨次坐補其記名人員均應查係何班記名之

員仍歸各本班挨次坐補不得彼此攙越併聲明

調補協領

奏請始均奉

旨允行焉 附原奏

同治十一年四月十二日奴才長善奴才果勒敏

奏為請將廣州駐防漢軍協領照例坐補併擬請將滿洲協領分別調補以資整頓而收實效恭摺具奏仰祈

聖鑒事竊查鑲紅鑲藍旗漢軍協領劉安堡病故所遺協領一缺自應揀員補放奴才等查得前因水師旗營協領出缺將佐領李松栢擬正佐領談廣楠擬陪給咨進京於同治八年十一月十五日經

欽派王大臣驗看水師旗營協領一缺請將擬正佐領李松栢補放擬陪佐領談廣楠記名於本年十一月十六日具

奏奉

旨依議欽此欽遵在案今協領劉安堡病故出缺奴才等

考驗得記名佐領談廣楠辦事明白管轄嚴肅弓

馬中平並未改常擬請將該員照例坐補再查同

治九年十月內因滿洲鑲白正藍旗協領缺出揀

選乏人並出有正紅旗佐領員缺亦須揀選當經

奴才等體察情形量為變通先將鑲紅旗滿洲防

禦全隊擬正正紅旗佐領咨送進京驗放俟奉

旨

補授佐領同粵後即令其試署鑲白正藍旗協領俟一

年期滿由奴才等查看該員情形如果稱職再行

奏請補授等因具奏欽奉

諭旨

允准在案查全祿驗放佐領後於同治十年四月初

六日回廣當即委令試署鑲白正藍旗協領迄今

一年期滿奴才等查看該員辦理協領事務謹慎

妥協尚屬稱職而於正紅旗佐領本任一切整頓

約束更屬得手茲屆

奏請實授之期因查正黃正紅旗滿洲協領伊勒哈

春曾任鑲白旗防禦驍騎校諸稱熟悉該員年富

力強整理營務極為周備奴才等公同商酌現當

力挽積習講求武備之際旗營員弁自應隨時體

察斟酌周妥方足以資得力而收實效相應請

旨將滿洲

正黃正紅旗協領伊勒哈春調補鑲白正藍旗

協領其正黃正紅旗協領員缺即將試署協領期

滿之正紅旗佐領全祿補授如此一轉移間人地

俱屬相宜而整頓益資得力矣如蒙

行給咨佐領全祿飭令進京驗放協領伊勒哈春

俞允再

係現任協領調補協領銜缺相當應請毋庸咨送

驗放所有奴才等照例坐補漢軍協領併酌擬調

補滿洲協領及補授協領緣由理合恭摺具

奏伏乞

皇太后

皇上

聖鑒訓示謹

旨著

照

奏

為

聖鑒事

竊

查

水師

旗營

協領

李松栢

因病

休致

所遺

協領

員缺

有專

管一

營事

務之責訓練操防在在均關
緊要且水師船隻灣泊較遠該營兵額係由八旗
撥補頗染綠營惡習軍興後諸多廢弛近數年來
將船隻器具逐次修復力加整頓而積重難返總
未能革去舊習如才等公同商酌當此籌備海防
之際該營官員尤應加意體察非擇其振作有為
廉勤自勵者通融調補不足以資整飭而期得力
茲有正黃正紅旗漢軍協領楊威於同治元年十
月補授協領七年十月初次俸滿給咨赴部八年
三月初七日引

見奉

旨著

交

軍機處

記名欽此該員諳悉水師樸實耐勞辦事

認真相應請

旨將正黃正紅旗協領楊威調補水師旗營實屬人缺相
宜所遺正黃正紅旗協領員缺查有以協領陸用
先換頂戴之正藍旗漢軍佐領劉秉和曾於同治
十一年軍政薦舉卓異奉准部覆給咨進京於十
二年七月初六日引

見奉

旨准其卓異欽此該員弓馬嫻熟辦事勤慎管轄嚴肅卓
異後並未改常擬請將該員照例坐補再協領楊
威係現任協領調補協領銜缺相當佐領劉秉和
卓異引

見未滿

三年均請循例毋庸送部所有奴才等酌擬調補
水師旗營協領併坐補漢軍協領緣由理合恭摺

具

奏伏乞

皇太后

皇上聖鑒訓示謹

奏奉

硃批兵部知道欽此

光緒二年三月二十日奴才長善果勒敏跪
奏為揀員調補滿洲協領以期得宜而資表率恭摺
具陳仰祈

聖鑒事竊思廣州駐防八旗每二旗額設協領一員各專

責成本無繁簡惟鑲黃正白旗一缺爲合營之首
所有八旗一切公務以及遇有會商事宜均由該
兩旗協領倡先議辦雖無統領明文實有表率之
意必須資深望重老成練達遇事不分畛域之員
始克勝任茲鑲黃正白旗滿洲協領國興於本年
二月十四日因病出缺奴才等在於滿洲佐領內
揀選得正紅旗佐領三音布辦事謹慎能於管轄
堪以擬正正白旗佐領吉勒圖堪辦事克勤管轄
尙可堪以擬陪照例給咨送部帶領引
見惟該員係初任人員若陞補此缺當此整頓營伍簡練
操防力求嚴實之際恐不足以資表率查有現在
進京預備

召見之二品頂戴記名簡放副都統鑲紅鑲藍旗滿洲協
領承惠資格最深諸事諳練以之調補此缺於營
務甚屬相宜合無仰懇

天恩俯念防營要務准將承惠調補滿洲鑲黃正白旗協
領其所遺之滿洲鑲紅鑲藍旗協領卽請以三音
布補授如此一轉移閒似於人缺俱屬得宜而營
務益加整肅矣如蒙

俞允俟承惠等同防卽由奴才等分飭任事以專責成照
例毋庸再行送部引

見所有揀員調補協領緣由理合恭摺陳明伏乞
聖鑒
臣等謹奏
光緒二十六年
經改補放

皇太后

皇上聖鑒訓示謹

奏軍機大臣奉

旨著照所請兵部知道欽此

試署協領

謹按滿洲漢軍水師旗營協領員缺向於各佐領
內揀選擬定正陪送部引

見補放或擬陪乏員則專摺將擬正之員送部引
見補放若應揀佐領內實乏堪補之員則

奏請由京旗揀員擬定送部引

見補放此向例也同治九年十一月滿洲正黃正紅旗
協領緣事降調鑲白正藍旗協領因病休致而佐
領四員內二員一時緣事降革一員難勝協領之

任僅有一員堪以

奏請擢補餘尙懸一缺將軍長善查防禦中有堪勝
協領之員然格於成例不能越級超擢而京旗補
放之員又人地不甚相宜往往不能得力因變通
辦理

奏請將一協領缺暫緩揀補將防禦擬補佐領送部
引

見補放後卽令試署協領一年期滿再行

奏請補授奉

俞旨行焉

附原奏同治九年十一月二十九日
大才長善長順果勒敏跪

奏爲廣州駐防滿洲協領缺出揀選之人擬請變通

辦理情形恭摺具陳仰祈
聖鑒訓示謹奏

聖鑒事竊查駐防協領缺出向例在於應陞人員內揀選

見補放歷經遵照辦理在案今正黃正紅旗滿洲協領全

貴緣事以佐領降補鑲白正藍旗滿洲協領全濟

因病休致所出協領二缺自應在於滿洲佐領內

揀選擬定正陪送部查滿洲實缺佐領四員內除正

紅旗佐領惠林綠事以防禦降補鑲白旗佐領善

緣緣事革職外應入選者祇有正白旗佐領伊勒

哈春鑲紅旗佐領色勒阿二員其才長善會同副

都統長順果勒敘秉公查驗詳加甄別佐領伊勒

哈春現年四十三歲出兵二次打仗七十四次殺

賊十三名前因出兵廣西打仗出力保獎藍翎復

因剿辦江閩竄匪案內保換花翎該員年力富強

辦事勤能弓馬可觀尙堪陞補佐領色勒阿現年

六十六歲雖精力未衰人尙老實但其才具平庸

辦事殊形竭蹶如才等未敢因循含混濫請陞庸

此外並無應行揀選之人惟於防禦內復查有鑲

紅旗滿洲防禦全祿現年六十一歲出兵二次打

仗二十七次殺賊五名前因攻剿江閩竄匪克復

各城案內保獎以佐領陞用先換頂戴該員老成

練達辦事認真弓馬去得堪勝協領之任但該員

現任防禦格於成例奴才等亦未敢越級超擢冒

旨補授

昧請行是現在協領二缺祇有佐領一員堪以擬補實屬人才難得循資序補揀選乏人雖有奏請由京旗揀員擬補成案第京外情形各異人地實不相宜聞從前滿洲漢軍曾有由京補放者管理旗務頗多廢弛而今昔時勢不同事倍繁難更必不能期其得力且檢查例案並無將滿洲漢軍人員互相揀選借補之例現在漢軍佐領雖有人材又礙難權變辦理奴才等伏思廣州駐防滿洲各旗積習太深營政日弛自安暴棄不思奮強當此力挽頽風之時協領員缺最要非擇其樸實老練能於管轄振作有為而人地熟宜者不足以資整頓而期實效現經年來認真查辦信賞必罰各官兵中似覺志氣奮興奴才等固不敢稍涉遷就亦未便固執定章轉致廢弛自應就地取材破格錄用藉昭激勵奴才等公同商酌擬請將正黃正紅旗協領一缺卽以佐領伊勒哈春陞補毋庸擬陪其鑲白正藍旗協領一缺擬遵甯缺毋濫之例暫緩揀員補放現有正紅旗佐領一缺擬請先將防禦全祿擬正給咨進京驗放如全祿奉

旨補授佐領回粵後卽令其試署鑲白正藍旗協領俟一

奏請補授如此變通辦理庶於破格激勵人材之中

仍寓循例覈實揀選之意再正紅旗記名防禦三
音布係與惠林同案降調之員雖經部議准其抵
銷未便令其坐補本案遺缺合併聲明除將佐領
伊勒哈春防禦全祿等擬補協領佐領送部轉咨
該旗驗放外合將滿洲協領員缺揀選乏人變通
辦理緣由謹恭摺具陳伏乞

皇太后

皇上聖鑒訓示施行謹

奏軍機大臣奉

旨著照所請兵部知道欽此

補放步軍營官員

一駐防步軍營原係水師營查未改步軍時其協
領缺出於水師佐領內揀選佐領缺出於水師防
禦內揀選防禦缺出於水師驍騎校內揀選驍騎
校缺出於水師領催內揀選擬定正陪送部引
見補放如駐防陸路官員內有通曉水師者亦准一體

揀選保送現在改爲步軍仍照此辦理

補用卓異官員

一駐防軍政卓異人員帶領引

見奉

旨准其卓異者遇有應陞缺出該將軍等卽行奏請補放不必送京引

見其引

見已過三年者仍送京引

見

旗員丁憂分別陞用

一旗員補用綠營武職遇有親喪丁憂於二十七

駐粵八旗志

卷五

經政補放

聖

箇月內停其陞轉其在京八旗及各省駐防武職
旗員丁憂遇有應陞旗缺准其一體開列陞轉如
應行引

見補放人員於百日期滿後帶領引
見補放

駐防人員病痊補用

一駐防官員因患病開缺聲明尙堪起用者病痊
後由該將軍都統副都統出具考語送部轉咨該
旗帶領引

見如奉

旨以原官補用者仍令回原處當差各按本處公缺翼

缺旗缺與記名應補應陞人員統按引

見日期先後挨次補用毋庸坐補原缺

補用降調人員

一各省駐防將軍都統副都統所轄三品旗員降
一級調用者遇有本處駐防四品官缺出擬補降
二級調用者遇有本處駐防五品官缺出擬補降
三級調用者遇有本處駐防六品官缺出擬補其
駐防四品旗員降一級二級調用者與駐防三品
旗員降二級三級調用之例同駐防五品旗員降
一級調用者與駐防四品旗員降二級調用之例
同此等駐防降調人員該將軍都統副都統俟應

陞人員補用二缺後以第三次缺出將降調人員聲明降調情由出具切實考語咨送兵部轉咨該旗帶領引

見補放至駐防三品旗員降至四級以下調用四品旗員降至三級以下調用五品旗員降至二級以下調用者在外無缺可補停其補用若身有世職仍在世職上隨該處行走如係由京補放之員降至七品在外無缺可補情願來京者准其以七品城門吏擬補

補用捐復人員

一八旗武職官員緣事降革後經捐復原官者於

引

見之日起令其在旗候補遇有缺出俟應陞人員補用
二缺後以第三次缺出補用降調一人第四次缺
出補用捐復一人此等降調捐復人員補缺時由
該衙門將該員出具考語帶領引

見補放如降調無人卽以捐復人員頂補至駐防降革
人員捐復原官者亦照此例辦理

補用筆帖式

附原委

謹按廣州將軍衙門筆帖式原始由京補放乾隆
十一年經部議准各省駐防筆帖式由該將軍等
於該處正身兵丁暨舉貢生監內考試繙譯不限

額數擇其優者數卷送部覆閱量取數卷該處遇有缺出按名次擬補送部引

見無庸擬陪將次用完仍照例辦理如有舉貢考中者授爲七品生監考中者授爲八品兵丁考中者授爲九品均准其與在京筆帖式一體較俸陞轉如有情願改補本處武職者食俸六年後准其具呈咨部改武後與預行保舉領催一同送部引

見記名遇有驍騎校員缺挨次補用其並無預行保舉領催省分與兵一同遴選得官後卽將筆帖式開選乾隆二十五年停止預行保舉領催其筆帖式開六年俸滿情願改補本處武職者准其具呈給咨

赴部引

見後仍以驍騎校第四缺坐補乾隆四十三年經兵部議覆筆帖式三年滿如行走勤慎辦事好弓馬純熟者先行咨部註冊遇有驍騎校缺出與兵一體

揀選

附原案康熙二十年漢軍人旗駐粵之始額設隨印筆帖式三名向係在京考取候選人員內籤掣來粵補用六年期滿調回以京缺另用迨乾隆十年十二月御史西城條陳請開駐防陞途以廣造就復以各駐防距京較遠京員赴任資斧維艱俸廉本屬無多家口在京力難兼顧故在京旗人咸以得是缺爲苦又況科目之選舉凡各項陞階及各部院所用率皆在京旗人若駐防旗人百無一二止有披甲當差一項再無他途可以上進設或來京考試告假卽須退甲京邸候試所費不貲一試斷難再試其間不無長才可備任使者亦無由効用殊爲可惜第以生居偏遠本處旣無登進之

階有志者又乏候試之費擬請仿照京旗都統衙門挑取各印房筆帖式之例由各駐防大臣在本處旗人另戶前鋒領催馬甲開散內考取按照本處額缺多寡每一缺取二名將原卷封送吏部覈准註冊各覆在各本處印房學習行走有錢糧者仍食本身錢糧無錢糧者照京旗印房之例月給二兩錢糧三年滿遇本處缺出由該將軍擬定正陪送部引

見補授六年滿照例調京以京官候補如此則在京微員既免遠任之苦而各駐防旗人不致偏枯且盛京五部及奉天甯古塔黑龍江各將軍等處筆帖式悉係考用本處旗人各省駐防應照此一例辦理

詔下廷議旋據大學士張廷玉等議覆京外旗人均屬一體查駐防兵丁止有驍騎校武職一途若文職實無上進之階駐防日久自有人材不獲與在京旗人一體効用未免向隅且京旗進身之路甚廣並不專藉外省之缺若將筆帖式改用駐防旗人於京旗陞途仍無妨礙是一舉而兩得矣應如該御史所請再查六年期滿舊例調京今因時制宜改用駐防旗人似不必拘以六年至如何定缺考取作何陞用之處應交吏部詳悉定議嗣據吏部

議覆查江甯等省駐防額設筆帖式凡四十九缺
向由本部掣籤發往俱按旗缺翼缺公缺補用今
請改在各本處考取如該處止有一缺者應定爲
八旗公缺有二缺者應定爲左右翼各一缺有三
缺者應定爲左右翼各一缺其餘一缺作爲公缺
其公缺不論旗分按考取名次序補至考試應查
照

盛京五部奉天將軍衙門之例移咨吏部請題由各
省大臣屆試統將試卷解部吏部將各部院堂官
職名開列奏

派大臣校閱擬定等第進

呈後交部註冊咨覆遇有本處缺出按取中名次送
部引

見補授無庸擬陪考試題目例用通本今江甯等省共

十八處若每處陸續請題未免煩瑣此大係屬初

考應由內閣擬定通本題目由本部咨行各處方

爲便捷應考之人則前鋒領催馬甲閑散舉貢生

監俱可與名試以繕譯不必限定卷數但擇其文
理優者每處酌取數卷如上次考取人員將次用
完各該處預行咨請試題其由舉貢取中者授爲
七品生監取中者授爲八品兵丁取中者授爲九
品六年俸滿照例調京以京職補用如無力移產

見記

不能來京候缺情願改補本省武職者由該將軍
咨明准其改武後與保舉領催一併送部引
名以本處驍騎校第四缺坐補若因補用筆帖式
不令就改武職專令較俸守候調陞京缺轉阻其
本處進身之路如有不願改武職者仍候部選京
職如此變通辦理既不礙於在京旗人而駐防兵
丁亦可多一陞途矣
又乾隆四十三年准兵部清字咨議覆福州將軍
覺羅永德奏騎射爲八旗官兵要務駐防筆帖式
皆由兵丁考取騎射皆其素習況伊等年滿調補
該處武官卽有管教兵丁之責考取筆帖式後反
不射馬步箭駐防惡習亟宜整頓嗣後兵丁考取
筆帖式後均與官兵一體騎射此兩平日行走勤
慎辦事好弓馬純熟者三年滿先行咨部註册遇
有驍騎校缺出與兵一體揀選辦事平等弓馬平
等者六年滿照例咨部改武引

見外

如辦事平常弓馬不堪年滿不堪改武者咨部開
缺另行挨次擬補等因十月二十一日

奏奉

旨依議欽此

節制陸路

謹按廣州將軍自撤軍標回營之後專轄滿漢八旗及水師旗營向無節制緣營之例自嘉慶十年始奉

旨節制廣東陸路鎮協各營凡各營任卸操防巡緝差遣及一切弁兵陞調均由各鎮協具文申詳將軍查考其軍政舉覈咨商會

題至陞調拔補則由總督移知云茲將原委詳載於後

嘉慶十年十二月初一日奉

上諭廣東地方緊要廣州將軍除統轄該省駐防滿營之

外別無應管事件所有廣東省陸路鎮協各營均著交該將軍節制著爲令欽此十二年五月准

兵部行催查各省沿邊沿海要缺向例行文該督撫提鎮預行選擇保題以備掣補今廣東省應掣外海水師副將叅將遊擊都司守備並應掣陸路副將叅將遊擊都司俱已無人遇有缺出無人掣補前經本部行文該督撫等一體揀選保題在案迄今尙未據該督撫等保題到部至該省應掣陸路守備現在僅止劉文祖劉喜二員遇有缺出亦不敷掣補應仍行文該將軍一體揀選保題以備掣補再查廣東省陸續出有水師陸路叅將遊擊

都司守備共三十餘缺俱係題補之缺經本部節次行文該督題補在案亦未據該督揀員題補查沿邊沿海要缺緝捕巡查均關緊要未便久懸應令該將軍卽行揀選合例人員題補及千把各弁缺亦卽選拔報部以重海疆而專職守毋再延緩可也六月將軍陽春恭查嘉慶十年十二月初一日原奉

上諭交將軍節制者僅指陸路鎮協各營而言至各鎮協所屬水師官兵均不在將軍節制之內卽陸路如何節制之法亦未續奉兵部咨定章程將軍駐劄省城惟有廣州城守一營近在同城其餘俱在省

外各營員向未接見其賢否不能周知且未據造具履歷冊申送更無憑考覈故有預行保題選拔等事仍係總督主政將軍並未會銜茲准前因除移咨總督遵照部咨分別趕辦外至將軍如何節制陸路鎮協各營之處咨請兵部查覈示覆十一月准

兵部咨覆查前經本部遵

旨議奏福州將軍節制閩省陸路鎮協各營除督撫提三標各營係總督巡撫提督親標請毋庸福州將軍統轄外其餘陸路各鎮協請令將軍與總督一體統轄所有訓練操防總督與將軍兼任其責如遇

查閱營伍之年總督與將軍輪班查閱彼此互相
察覈其應行舉劾之事將軍與總督商同辦理不
特遇有調撥呼應較靈於營務更加整飭一切陞
遷保題考拔等事必須責有攸歸應請悉照舊例
歸總督辦理以符體制而專責成仍令知會將軍
令其與聞所有應行更換

敕書改鑄印信俟

命下之日遵奉施行等因具奏嘉慶十一年三月二十三
日奉

旨兵部議將閩省陸路各鎮協酌歸將軍統轄一摺著照
所議閩省除督標撫標提標各有專轄外其餘陸路各

鎮協均交該將軍一體統轄其訓練操防各事宜亦俱照所請辦理欽此欽遵在案今廣州將軍咨請廣東省陸路鎮協各營應如何節制之處咨部示覆等因查廣東省與閩省事同一律業經欽奉

諭旨廣東省陸路鎮協各營交該將軍節制自應遵照閩省之律辦理相應行文廣州將軍查照可也十一月兩廣總督吳 咨所有應行節制事宜自應會同商定擬稿列單咨送覈定判行如有應行增改之處併祈更正移回辦理會同轉行東省各鎮不隸鎮轄各協營督撫提三標中軍海防理徭同知一體遵照

粘單

一部咨開應行舉劾之事將軍與總督商同辦理等因本省軍政展至明年開印後舉行查向來辦理軍政其應舉應劾人員向由提督侯各鎮協營覆齊咨商總督將應舉者開列事實應劾者開列劣蹟咨會覈辦如有不符一面將應舉應劾者分別具

題一面咨覆提督補咨備案其五花冊仍將擬舉擬劾之員列造聽候覈定將應舉應劾之員抽出五花冊不造今舉劾之事既係總督與將軍商同辦理應照向例將應舉應劾人員及五花冊咨送總

旨覈辦定稿後咨商將軍會銜具

題以將陸路應舉應劾人員及五花冊籍照造一分
咨送將軍查覈其水師舉劾人員及水師五花冊
毋庸咨送將軍

一部咨內開陞遷保題考拔等事照舊歸總督辦
理仍令知會將軍與聞等因查題陞調補以及預
保俸滿保舉內有由提督選員及考驗轉送均由
總督覈定始行保題所有題陞題補及預保俸滿
保舉提督選員及送考時照舊咨會總督覈辦一
面具報將軍統俟覈定後由總督知會將軍備查
其外海內河水師各營將軍既不節制其題陞題

調預保及俸滿保舉毋庸知會將軍至考拔千總
向由提鎮次第選送把總二員轉送總督拔補其
提鎮送考時應一面將送考之人報明將軍俟總
督拔定後亦由總督知會將軍又拔補把總外委
額外向由總督及提鎮於附近各營考驗拔補所
有提鎮考拔把總外委額外各缺應由各提鎮知
會將軍其外海內河水師各營及提督親標凡考
拔千把外委額外亦可毋庸知會將軍

一部咨內開如遇查閱營伍之年與將軍輪班查
閱等因嗣後如遇將軍查閱之年所有粵東陸路
各鎮協營應伺候將軍閱驗將軍經由外海內河

水師各營不必整肅隊伍迎送亦毋庸呈送將軍
閱驗

一將軍節制陸路各營所有通省陸路各營營制
事宜應令各該鎮協營將各該營營制事宜造冊
呈繳將軍查覈其不歸將軍節制之提標及外海
內河水師各營毋庸將各營制造冊呈繳一應行
舉劾之事將軍與總督商同辦理凡遇軍政及舉
劾之年其應卓異薦舉劾叅人員應由總督與將
軍商同辦理其隨時緣事及年老弓馬平常等項
應行劾叅勒休自副將至外委額外各官弁應照
舊咨報總督辦理一面具報將軍俟覈定後仍由

總督知會將軍至提標及外海內河水師各營叅
劾勒休官弁毋庸咨會將軍

一遞年兵馬奏銷及春秋二季季報官弁履歷兵
丁年貫冊籍繁多且係陸路水師一總列造並有
總冊未便又分水陸造冊應照舊造冊咨送總督
送部毋庸造送將軍

嘉慶十四年十月將軍慶溥接到坐名

敕諭已添入節制廣東陸路鎮協各營字樣十七年三月
將軍福會

題請更鑄將軍印信十八年九月將軍本智祇領開
用

隸將軍節制四鎮七協凡四十九營

南韶連鎮標中左右三營 潮州鎮標中左右三

營 高州鎮標左右二營 瓊州鎮標左右二營

惠州協左右二營 肇慶協左右二營 廣州城

守協左右二營 三江口協左右二營 南雄協

一營 黃岡協左右二營 羅定協左右二營

增城左右二營 欽州一營 雷州左右二營

前山 永靖 連陽 惠來 饒平 潮陽 廉

州 儋州 萬州 和平 四會 那扶 永安

興甯 平鎮 潮州城守 化石 陽春 三水

徐聞 理徭

挑補綠營

謹按駐防廣州滿漢八旗閑散壯丁自裁撤軍標後惟在各該旗挑補錢糧向無挑補綠營名糧之例自道光六年直隸總督那彥成

奏請將各省駐防滿洲閑散在附近各標挑補綠營馬糧隨營操演如果弓馬嫻熟人材出衆遇有外委千把等缺與綠營兵弁一體考拔奉

旨着駐防省分各督撫會同將軍副都統妥議章程以期經久隨於七年五月內經將軍慶保會同督撫副都統籌議覆奏廣州駐防滿漢閑散請於三百里以內陸路各營馬兵缺每輪第四缺挑補一人總

以十缺得二爲率其願挑取戰兵守兵者亦照四缺輪一均不得過該營十分之二或因距家較遠未能兼顧或因海濱瘴氣不服水土有不願赴挑者悉聽其便又道光十六年八月內經將軍蘇勒芳阿會同督撫副都統商議以廣州漢軍八旗生齒日繁閑散日衆

奏請改爲每輪第三缺挑補一人併先補漢軍二人後再補滿洲一人週而復始如輪值滿洲無人亦卽以漢軍送補將來挑取漸多仍不得過該營十分之二均奉

旨允行現在漢軍閑散在撫標廣協兩營內挑取馬兵步

兵者俱有人其人材出衆弓馬嫻熟著有勞績拔
補外委千把總等缺者亦有人至由武舉武進士
投標及軍功捐輸指標者不在此列惟省外各營
尙無人赴挑名糧則以距家較遠勢難兼顧故也
附原案道光六年直隸總督那彥成奏請將各省
駐防滿洲閑散仿照在京巡捕營之例卽在附近
各標挑補綠營馬糧隨營操演如果弓馬嫻熟人
材出衆遇有外委千把等缺與綠營兵弁一體考
拔俾駐防閑散得有進身之階均可及時報効等
因一摺奉

旨着兵

部覈議具奏欽此隨經兵部覈議各省駐防生齒

日繁閑散日衆其中年力精壯弓馬可觀者自不
宜任其閒廢若准其就近挑取綠營馬兵亦可以
藉疏通而資造就既有巡捕營成案可循應如該
督所奏辦理惟是旗民一體必應酌定限制使與
綠營兵丁戰守遞拔陞途兩不相礙斯遵行可期
人遠應請於四缺中以第一缺第二缺第三缺仍
將綠營戰守兵丁拔補第四缺方准挑補駐防一

人四缺一輪將來挑取漸多亦照巡捕營之例估
缺不得過十分之二總以同城及附近兵額覈計
不得以通省兵額統計此內如有人材出衆弓馬
嫻熟者准其依次與漢兵一體考拔弁缺亦四缺
一輪佔缺不得過十分之二至綠營兵缺應俟有
開革事故方准陸續按次挑補駐防不得無故先
行裁改各該旗祇准將未食錢糧年壯開散願挑
者考驗弓馬咨送備挑不得將已食糧及養育兵
並革退之閑散濫行送挑其不願赴挑者亦不得
抑勒咨送再旗人挑入綠營之後應由該管將弁
訓練約束其一切拔補陞轉革退等事均照綠營
章程一體辦理其有滋事干涉地方者併照綠營
例交地方官辦理如各省駐防同城及附近標營
無馬兵額缺或該閑散等有願取戰兵守兵
者亦准送挑馬戰守三項合計仍不得過十分之
二庶駐防多一進身之階而額定兵數亦不致有
所增損惟是各直省駐防多寡不同其同城綠營
繁簡不一卽附近各標營亦復遠近不等未便懸
擬應請

敕下有駐防省分各該督撫會同將軍都統副都統等將
實在可否情形妥議章程咨部覈議等因道光六
年十一月二十二日奏本日奉

旨

兵部議覆那彥成奏請將駐防滿洲閑散做照巡捕營

之例挑補綠營兵弁一摺各省駐防閑散毋庸論滿洲蒙

古漢軍俱准其入綠營挑補馬兵洵可藉疏通而資造

就惟定例之始必須酌定限制著於該駐防同城及附

近營分遇有馬兵開革事故與該營戰守兵一體校閱

技藝挑補不得過本營十分之二毋庸與通省兵額合

計至考拔弁缺惟當以弓馬勞績爲定不必復行區別

其由旗咨送時祇准將年壯閑散情願赴挑者驗送不

得有強派勒情弊挑入綠營之後所有訓練約束及

陞轉降革各事宜均由該管將弁照綠營章程一體辦

理如有滋事干涉地方者亦照綠營例交地方官懲辦

如該駐防同城及附近標營分馬兵額缺較少該閑散

有願挑戰兵守兵者亦准送挑俱不得過十分之二仍

著駐防省分各督撫會同將軍都統副都統妥議章程

奏咨以期經久欽此欽遵由兵部咨行前來隨於道光

七年五月內經將軍慶保會同總督李鴻賓巡撫

成格副都統巴揚阿花沙布等籌議覆奏查粵東

省綠營有陸路及外海水師內河水師之分駐防

旗人向駐省城所有旗營水師向在內河附省一

帶巡防並不熟諳外洋水性自可將外海水師各

營毋庸酌議其陸路及內河水師各營駐劄遠近

不同應請以三百里以內者爲附近營分查陸路

則有撫標左右二營廣州城守協左右二營均與駐防同城又省外永靖營三水營增城營左右二營前山營四會營督標中左右前後五營肇慶城守協左右二營共十七營內河水師則有水師提標前後二營順德協左右二營新會營左右二營督標水師營共七營以上水陸二十四營內四營與駐防同城餘相距自九十里至二百九十里不等皆在三百里以內俟各該營馬兵開革缺出時由該營移會左司具報將軍副都統將閑散挑取送拔回缺一輪陸續挨次挑補不得先行無故裁改將來挑取漸多總以十缺得二爲率不得過該營十分之二其並無馬糧營分及原有馬糧各營因馬兵額缺較少該閑散有願挑取戰兵守兵者亦照四缺一輪按次挑補合計馬步守三項均不得過該營十分之二內除撫標左右二營廣州城守協左右二營每遇第四缺出俱按缺挑補外其督標水陸六營及肇慶城守協二營永靖等陸路水師各營遇各項馬戰守兵第四缺出輪應挑補該閑散或因距家較遠未能兼顧或因海濱瘴氣不服水土有不願赴挑者應請悉聽其便其缺仍歸綠營拔補俟下次第四缺出方行送挑至挑入綠營之後由該管將弁訓練約束所有陞轉降革

各事宜悉遵

諭旨及部議章程辦理等因具

奏經兵部議准於道光七年七月初三日覆
奏本日奉

旨依議欽此後於道光十六年八月內經將軍蘇勒芳阿

會同總督鄧廷楨巡撫祁垣副都統倫忠孟魁以

漢軍八旗生齒日繁開散日衆奏請改爲每輪第

三缺挑補一人併先補漢軍二人後再補滿洲一

人週而復始由駐防輪流移送如輪值滿洲無人

亦卽以漢軍送補將來挑取漸多仍不得過十分

之二等因奏

准各在案

世襲

襲爵等級

國初定世爵其等有八曰公曰侯曰伯曰子清文精奇尼哈

番曰男清文阿思哈尼哈番曰輕車都尉清文阿達哈哈番曰騎都

尉清文拜他喇布勒哈番曰雲騎尉清文拖沙喇哈番自公至輕車

都尉又各有三等凡授爵自雲騎尉始如雲騎尉

加一雲騎尉則合爲騎都尉再加爲騎都尉兼一

雲騎尉再加爲三等輕車都尉遞加至一等輕車

都尉如再加一雲騎尉則爲一等輕車都尉兼一

雲騎尉再加則爲三等男積雲騎尉二十有六爲

一等公乾隆十五年定陣亡人等子孫襲次已完

者賞給七品京官令其世襲罔替十六年奏准定

世襲七品官爲恩騎尉

清文克星額哈番

與

國初所定合爲世爵九等

封爵次數

一凡功臣授爵自雲騎尉始至一等公止其承襲次數亦自雲騎尉世襲一次始至一等公應承襲二十六次止雲騎尉襲一次騎都尉襲二次騎都尉兼一雲騎尉襲三次三等輕車都尉襲四次二等輕車都尉襲五次一等輕車都尉襲六次一等輕車都尉兼一雲騎尉襲七次三等男襲八次二等男襲九次一等男襲七次一等男兼一雲騎尉

襲十一次三等子襲十二次二等子襲十三次一等子襲十四次一等子兼一雲騎尉襲十五次三等伯襲十六次二等伯襲十七次一等伯襲十八次一等伯兼一雲騎尉襲十九次三等侯襲二十次二等侯襲二十一次一等侯襲二十二次一等侯兼一雲騎尉襲二十三次三等公襲二十四次二等公襲二十五次一等公襲二十六次其承襲次數除原立官襲職外按次計算如原立官未曾襲職者其承襲官作為原立官

承管佐領

一凡承管佐領將原立佐領之子孫按其名數於家譜內盡行書寫如一譜不能盡書卽繕寫二譜

具奏現在軍前者於本名下註明其應行列名之人遇有患病緣事及漢軍在外倚親居住分應擬陪列名毋庸帶領引

見亦於家譜本名下註明各省駐防外省文武人員如分應擬正者先將家譜進

呈並由該旗行文該處大臣詢問本人如願來京者卽行咨送來京帶領引

見不願來京者毋庸咨送其分應擬陪列名者不必調取卽於在京似伊一體有分人員內揀選帶領引見若京內無應擬陪列名之人該旗行文詢問願來京者再將伊等職名開列進

呈其承襲世職均照此例辦理

一凡承管佐領該都統等揀選正陪各一人有分支派內每支一人帶領引

見承管至出缺之人係長房支派揀選出缺人子孫擬正於各房支派內揀選曾經管過之子孫擬陪其餘曾經管過之子孫及未經管過之子孫每支揀選列名若僅長房支派子孫管過應行擬陪列名之人於各房支派內揀選如出缺之人雖非長房支派亦將出缺人之子孫擬正其長房子孫內有一支管過佐領各支均准揀選擬陪其餘曾經管過之子孫及未經管過之子孫每支揀選列名若

長房支派俱未管過於別房管過支派子孫內揀
選擬陪將未經管過之長房子孫與未曾承管佐
領之支派每支公同揀選列名其別支派內俱無
管過之人仍於長房支派內揀選擬陪各房支派
內按支揀選列名長房出缺之人絕嗣或獲罪革
退本支子孫不准列名者於長房之別支派內揀
選擬正別房出缺之人絕嗣或獲罪革退本支子
孫不准列名者揀選長房支派內管過之子孫擬
正如無管過及現在承管佐領者不得揀選於別
房支派內曾經管過之子孫揀選擬正若長房別
房俱未管過仍於出缺房分別支派內揀選擬正

如現在承管佐領不得揀選卽於無佐領支派內按長房挨支揀選擬正其餘支派並出缺之支派內揀選擬陪列名其承襲世職俱照此例辦理

一凡世管佐領獲罪伊子孫不應承管又無別支應管之人如係陣亡人員之子孫該旗具奏請旨其承襲世職亦照此例辦理

分併世職

一凡滿漢官員軍功賞有世爵其原立官承襲後又以軍功賞有世爵准其以兩爵合並一爵承襲

如雲騎尉又得一雲騎尉則合爲騎都尉按次遞加至一等公止

如奉

特旨晉封之爵照晉封爵承襲卽將原爵註銷如承襲

祖父世爵人員又因軍功賞有世爵亦准合併一爵承襲如奉

特旨晉封之爵仍准其合併一爵承襲如世爵缺出應襲之子姪兄弟原係職官併所出之缺應襲者有二三人之多先准以無職親近之人承襲若親近中併無無職之人方准於有職人員內議令承襲亦准其合併一爵承襲其合併不得過子爵併查原領

誥敕內開載俱係世襲罔替者其合併之爵承襲時亦填寫世襲罔替字樣如係載明承襲次數者其承襲時亦填寫承襲次數字樣如一係世襲罔替一

係承襲次數者其承襲時填寫合併因由仍分計其應襲次數次第覈銷至先年已經合併之爵有以呈請分襲者其應襲之子姪兄弟承襲時照原係幾人之爵仍與幾人分襲將品大之官與其親近子弟承襲並查一人承襲二三人所立之爵合併者准與二三人分襲若以一人所立之爵合併者仍不准分襲

承襲世職

一凡八旗世職各員缺出該旗卽將出缺緣由併世職

誥敕送部由吏部查其原領

詔敕內所載或有世襲罔替字樣或載明承襲次數其應行承襲並應行銷滅之處覈定咨覆該旗具奏承襲奉

旨後仍咨吏部註冊揭送內閣增書承襲之姓名年月日用

寶給發

一凡承襲世職原立官職之人凡有幾子將其子孫俱勿裁減每支揀選一人與襲職人之子孫一併帶領引

見承襲其應行擬定正陪列名之處及獲罪分別承襲各條均照承管佐領例辦理若原立官職人之子

孫無有別派者於本支內揀選一二人具奏

一恩騎尉世職病故或因公罪革職併無餘罪者所出之缺准令出缺人之子孫承襲其因公罪革職後尙有餘罪者另揀原立官親子孫承襲若犯貪婪一切重罪者雖有原立官之親子孫俱不准承襲

一因効力行閒歿於王事所得世職襲次已完其子孫予以恩騎尉世襲罔替至因打仗受傷後傷發身故所得世職襲次已完其子孫毋庸給與恩騎尉

一凡陣亡人員議給世職止有一子者卽將一子

帶領引

見承襲毋庸揀選伊姪擬陪若無親生子嗣將弟兄之子過繼爲嗣承襲如孀婦願將族內之人過繼爲嗣呈請承襲者亦准其承襲

一恩騎尉世職人員病故無嗣准將原立官嫡派子孫內計世承祧過繼承襲

一立官人之嫡派子孫襲官後又因功得官與原官合併承襲者如增官之支派不及擬正分位准給擬陪

一承襲世職應襲次數業經承襲幾次承襲此次後仍應承襲幾次之處聲明開列至襲次完結者

於本名旁註明

一凡得

誥敕世襲官員亡故與其子承襲若無子方與親兄弟承襲其承襲官亡故仍與承襲官之子若承襲官無子始與其兄弟承襲

一滿洲蒙古漢軍承襲恩騎尉人員如本係文武生員承襲後情願考試者准其照例考試仍隨旗當差給與世職俸餉其本非文武生員情願呈改文武生員應各項考試者准其呈改一體考試不復給與世職俸餉

一難廕監生及由文生員承襲雲騎尉恩騎尉世

職尚未學習期滿補缺者俱准應本省鄉試由各該學政錄科其承襲世職中有未諳弓馬願應鄉試者卽以本職頂戴作為文生員准其一體應試謹按道光五年議准崇慶州五品廕生楊煊於未經赴部引

見之前考試入學應照生員兼襲世職之例辦理並免其歲考十六年奉

旨馬成全着准以文生員兼襲騎都尉世職嗣後一二三等輕車都尉及騎都尉世職比照雲騎尉恩騎尉之例准其以文武生員兼襲應試不准以本非文武生員將輕車都尉騎都尉世職改作生員應試以示限制

一陣亡所得之世職若原立職之人並無子嗣令其胞弟兄承襲者卽襲職之人有子與孫亦不過照例計其應襲次數襲替而已不必賞給恩騎尉

世職罔替

增定

一凡世襲罔替各爵職出缺無論有無親子但准承襲卽准世襲罔替其有次數之世職出缺如無親子孫襲次完時勿庸給予恩騎尉

一例內所載世職各官若無親子孫准與親弟兄承襲如無親弟兄准與親祖父及伯叔兄弟姪男姪孫承襲等語係專指有次數之世職而言若世襲罔替之爵原立官身故無嗣祇准與其親弟兄按次序承襲不應上襲及祖父如原立官有應繼願繼之胞姪無論世爵世職均應先儘胞姪過繼

爲嗣後承襲無應繼願繼之胞姪方與其親弟兄承襲

一世襲罔替爵職接襲官身故無親生子孫亦無原立官本支之人可襲可繼准其擇族中之姪男姪孫爲嗣承襲若無卽將

誥敕繳銷如原立官本支尙有應襲之人與現故之接襲官行輩不符亦准承襲不得因已繼有另支之

子爭襲

以上三條同治十一年經吏部奏准十二年奉文

分襲恩騎尉

一恩騎尉世職缺出其應襲祇有一人已經襲有別爵或先經襲有恩騎尉者准其一人兼襲俟有

應行分襲之子嗣仍准其分襲

應襲官殘廢

一應襲恩騎尉以上世職人員本身殘廢別無應襲之人仍行奏請襲職給與甲兵錢糧養贍俟後有子嗣再行移襲如無子嗣另將原立官嫡派子孫內揀選過繼承襲

駐防襲職

一駐防世管佐領及世職缺出如應襲之人年在十五歲以下者該將軍都統副都統等咨明該旗具奏承管承襲俟年至十六歲時補行送京引

見如應襲之佐領世職承襲之年年已十六歲卽將應

襲之人送京引

見承襲

一駐防世職官如係本身所得者若因年老告退其所遺世職卽將伊子孫內詢明該員情願襲與何人卽著承襲

一外省駐防人員承襲世職係官仍留原任係領催甲兵仍留駐防地方遇有應陞缺出照例揀選擬補

駐防世職補用佐領等官

一駐防世職輕車都尉先補佐領該將軍都統副都統等試看一二年後如果辦事好能勝協領之

任遇有協領缺出酌量陞用騎都尉以佐領補用雲騎尉以防禦補用恩騎尉以驍騎校補用此內甫經當差之年幼世職及不能辦事之員不准揀選保送

驍騎校承襲雲騎尉

一驍騎校承襲雲騎尉仍留驍騎校任應陞時照雲騎尉品級陞用

世襲恩騎尉准以本職頂戴作爲文武生員應試

一承襲恩騎尉人員於未經得缺以前呈請改爲文武生員應試者均一律准其呈改不准食俸

恩
上
九
五
卷三
廕監

一旗員廕監必以嫡長子如無嫡長子或雖有而患病殘廢及有別項職事則廕嫡長孫如無嫡長孫則廕次子及次孫如無次子次孫則廕親兄弟及親兄弟子孫如無親兄弟及親兄弟子孫則廕伯叔所生兄弟及子孫俱以次承廕凡恭遇

恩詔兵部題明行文各該管官轉行應廕官員取具承廕之人年齒姓名文冊併親供印結一樣二套送部其有不能以次承廕者將情由聲明報部亦准承廕但不得將例載不准承廕之人請廕

一三品以下官員出征立功後病故毋論已未議

叙如係一等二等軍功給與七品監生一員如係三等四等軍功給與八品監生一員由該旗查明應襲子弟如年已及歲者卽行揀選奏請帶領引見請

旨承廕如年未及歲者止列名繕寫緣頭牌具奏請旨承廕俟年已及歲補行引

見隨旗行走照品食俸遇有各營之委前鋒校委護軍校藍翎長揀選改用如未仕而故者准其補給一次如係五等軍功給與無品級之監生一名於該員子弟內奏明充補毋庸帶領引

見准其應試不准隨旗行走食俸未分等第者照三等

軍功例議卹

繼嗣

謹按繼嗣爲宗法所關古之有爵土而無子者必爲立嗣後世沿襲雖士庶無子亦得立嗣然未詳其制易起爭端我

朝緣情定制例有明文乾隆中復推廣數條繼嗣之法燦然大備八旗有世襲之家及官兵孀婦下至勿殤之士咸得遵守立嗣焉

乾隆四十年奉

上諭戶部奏軍營病故立嗣人員請照陣亡之例准以獨子立嗣一摺已依議行矣獨子不准出繼本非定例前因太僕寺少卿魯國華條奏經部議准行但立繼一事

專爲承祧奉養固當按昭穆之序亦宜順孀婦之心所以例載嗣子不得於所後之親准其另立實準乎情理之宜也至獨子雖宗支所係或其人已死而其兄弟各有一子豈忍視其無後且現存者尙可生育而死者應予續延卽或兄弟俱已無存而以一人承兩房宗祀亦未始非從權以合經又或死者有應襲之職不幸無嗣與其拘泥獨子之例求諸遠族何如先儘兄弟之子不問是否獨子令其繼襲之爲愈乎嗣後遇有孀婦應行立繼之事除照例按依昭穆倫次相當外應聽孀婦擇其屬意之人並問之本房是否願繼取有合族甘結卽獨子亦准出繼庶窮婺得以母子相安而立嗣亦不致

以成例阻格該都統卽照此辦理著爲令欽此

一立繼承祧如子已婚而故無論其媳能否孀守
或子未婚而故其已聘未娶之媳能以女身守志
或子雖未婚娶因出兵陣亡揆以勿殤之義均准
予立繼又子雖未婚娶業已成立當差年逾二十
歲身故者亦准予立繼若支屬內實無昭穆相當
爲其子可繼之人應仍爲其父立繼凡未婚而年
在二十歲以下天亡者無後在父自當先儘故子
同輩中按照服制次序爲其父立繼如閭族中實
無與故子同輩可繼之人亦祇得爲未婚天亡之
子立繼不得重複議繼致滋訟端

一旗人無子者許立同宗昭穆相當之姪承繼先
儘同父周親次及大功小功總麻如俱無方准擇
立遠房同姓如實無昭穆相當之人准繼異姓親
屬取具該叅佐領及族長族人生父列名畫押印
甘各結送部准其過繼若繼子不得於所後之親
聽其告官別立其或擇立賢能及所親愛者於昭
穆倫序不失不許宗族指以次序告爭如有抱養
民閒子弟戶下家奴子孫爲嗣或實有同宗而繼
異姓者均按律治罪所養父母有子所生父母無
子欲還者聽

一八旗及外省駐防有乏嗣應行立繼者如係長

房長子不准出繼其長房次子次房長子果係昭穆相當者均准其出繼倘長房並無次子此外近支亦無應繼之人應以一人承祀兩房宗祧雖長房長子准照獨子之例出繼

一駐防旗人繼嗣者該將軍等飭取該本管官及該族甘結分咨部旗由旗查明丁冊該叅佐領族長加具印甘各結咨部准其過繼

一在京八旗及各省駐防如遇有請繼子嗣之案報部咨文務須一體清漢兼書並聲明曾否生過子嗣有無重複議繼以憑查覈倘有含混一經查出將率行出結之叅佐領查取職名議處族長人

等照例懲辦

逃人

謹按逃人之禁

國初最嚴自康熙雍正以後漸次改從寬典迨道光閒辦理益歸簡易茲將現在遵行定章略載於後
道光五年八月內准

兵部咨開據管理鑲黃旗滿洲都統英和等條奏
懲勸旗人一摺內稱嗣後旗人初次逃走或實因病迷仍准挑差如逾限一月後無論投回拿獲及
二次逃走者均卽行銷檔等因奏准通行在案又
道光六年二月內准

刑部咨開旗人初次逃走一月內投回者免罪拿

獲者鞭一百仍准挑差未定章程以前所有在京並各省駐防一切逃人無論次數若在奏定章程一月內投回拿獲者俱免其銷檔外如在一月以後應照新定章程毋庸緝拿卽行銷除旗檔查旗人既經銷檔其妻未便仍以旗人論自應一併銷檔若子與女總視其原犯案由如僅止銷除本身戶籍者其未經銷檔以前所生子女仍以旗人論如原犯連子孫一併銷除旗檔者其子女概歸人民籍又同治六年二月內准

兵部咨山海關副都統長善

奏請清查旗籍並變通銷檔章程一摺奉

旨著刑部議奏欽此經刑部查該副都統所奏係爲清查
旗籍綏靖地方起見應如所奏嗣後銷檔人犯其
妻仍一併銷除子女未成立者聽其隨去已成立
者應覈其原犯分別辦理如不應併銷由該管官
立檔歸入伯叔兄弟或遠近親屬收管等因具
奏奉

旨依議欽此相應通行嗣後遇有逃走及犯案銷檔者卽
將該逃人有無子女隨案聲明如罪應併銷卽行
逐出本旗令其外居各等因在案

旗人嫁娶

一旗人之女不准嫁與民人爲妻儻有許字民人者查係未經挑選之女將主婚之旗人照違

制律治罪係已經挑選及例不入選之女將主婚之旗人照違令例治罪聘娶之民人亦將主婚者一例科斷仍准其完配將該旗女開除戶冊若民人之女嫁與旗人爲妻者該佐領族長詳查呈報一體給與

恩賞銀兩如有謊報冒領情弊查出從重治罪至旗人娶長隨家奴之女爲妻者嚴行禁止

駐粵八旗志卷五終